

四庫全書薈要

• 乾隆御覽本

史部

資治通鑑卷二百一十四 宋 司馬光 撰

胡三省 音註

唐紀三十

起開元間茂盡重
光大荒落凡八年

玄宗至道大聖大明孝皇帝中之中

開元二十二年春正月己巳上發西京己丑至東都張

九齡自韶州入見

見賢通翻 考異曰唐紀二年六月
戊子至東都已丑張九齡至自韶州

今從實錄求終喪不許

二月壬寅秦州地震壞公私屋

殆盡吏民壓死者四千餘人命左丞相蕭嵩賑恤

壞音怪賑

津忍

方士張果自言有神仙術誑人云堯時為侍中

於今數千歲多往來恒山中

恒山時屬定州恒陽縣界誑居况翻恒戶登翻

則

天以來屢徵不至相州刺史韋濟薦之上遣中書舍人

徐嶠齋璽書迎之

相息亮翻璽斯氏翻

庚寅至東都肩輿入宮恩

禮甚厚張九齡請不禁鑄錢三月庚辰敕百官議之

裴耀卿等皆曰一啟此門恐小人弃農逐利而濫惡更

甚

自武后以來民間多惡錢官不能禁

祕書監崔沔曰若稅銅折役則官

治可成計估度庸則私鑄無利易而可久簡而難誣

河

充翻折之舌
翻易以鼓翻

且夫錢之為物貴以通貨利不在多何待

私鑄然後足用也右監門錄事參軍劉秩曰

唐十六衛
府皆有錄

事參軍正八品下掌受諸曹及五府之
外府事句稽抄目印給紙筆監古銜翻

夫人富則不可

以賞勸貧則不可以威禁若許其私鑄貧者必不能為
之臣恐貧者益貧而役於富富者益富而逞其欲漢文

帝時吳王濞富埒天子鑄錢所致也

事見十四卷漢文
帝五年濞匹備翻

埒力
輟翻

上乃止秩子立之子也

劉子立即知幾避
帝嫌名以字行

夏四

月壬辰以朔方節度使信安王禕兼關內道采訪處置

使增領涇原等十二州

處昌呂翻

吏部侍郎李林甫柔佞

多狡數深結宦官及妃嬪家伺候上動靜無不知之

相伺

吏翻由是每奏對常稱旨上悅之

稱尺證翻

時武惠妃寵幸傾

後宮生壽王清諸子莫得為比太子浸疎薄林甫乃因

宦官言於惠妃願盡力保護壽王惠妃德之陰為內助

由是擢黃門侍郎

考異曰舊傳云初侍中裴光庭妻武三思女詭譎有材畧與林甫私中

官高力士本出三思家及光庭卒武氏銜哀祈於力士請林甫代其夫位力士未敢言玄宗使中書令蕭嵩擇

相久之以右丞韓休對立宗然之乃令草詔力士遽漏
於武氏乃令林甫白休休既入相甚德林甫與嵩不和
乃薦林甫堪為宰相惠妃陰助之因拜黃門侍郎立宗
春遇益深按光庭妻一寡婦耳豈敢遽引所私代其夫
為相韓休正直雖得林甫先報必不至薦之為相今不取

五月戊子以裴耀卿為侍

中張九齡為中書令林甫為禮部尚書同中書門下三

品

為李林甫得權太子廢張本顏真卿疏曰天寶已後
閭官袁思藝日宣詔至中書立宗動靜必告林甫林

甫先意奏請立宗驚喜若
神以此權柄恩寵日甚

上種麥於苑中帥太子以

下親往芟之

帥讀曰率
芟所銜翻

謂曰此所以薦宗廟故不敢不

親且欲使汝曹知稼穡艱難耳又徧以賜侍臣曰比遣

人視田中稼多不得實故自種以觀之

種藝之事天有雨暘之不時地

有肥磽之不等而人力又有至不至故所收有厚薄之異也若人君不奪農時人得盡其力則地無遺利矣豈必待自種而觀其實哉

六月壬辰幽州節度使張守珪大破契

丹

使珪更翻下同契歎訖翻又音喫 考異曰實錄守

珪大破林胡按會要契丹事二十三年守珪大破之

蓋實錄以契丹即戰遣使獻捷 薛王業疾病上憂之

國時林胡地故云然

容髮為變

為于偽翻

七月己巳薨贈謚惠宣太子 上以裴

耀卿為江淮河南轉運使

考異曰舊紀云充江淮以南回造使今從舊食貨志

於河口置輸場八月壬寅於輸場東置河陰倉西置柏

崖倉

高宗咸亨二年於洛州河陽縣柏崖置倉開元十年廢今復因舊基置之

三門東置集

津倉西置鹽倉鑿漕渠十八里以避三門之險

參考新舊志乃

是鑿山開車路十八里非漕渠也

先是舟運江淮之米至東都含嘉倉

僦車陸運三百里至陝率兩斛用十錢耀卿令江淮舟

運悉輸河陰倉更用河舟運至含嘉倉及太原倉自太

原倉入渭輸關中凡三歲運米七百萬斛省僦車錢三

十萬緡

按舊制東都含嘉倉積江淮之米載以大輿運而西至于陝三百里率兩斛計庸錢千此耀卿

所省之大數也十錢誤當從千錢為是先悉薦翻僦即就翻陝失舟翻更工衡翻考異曰舊志云四十萬貫

今從耀卿傳舊志又云明年耀卿拜侍中蕭昺代馬按
耀卿二十一年建此議今年為侍中始置河陰倉後三
年方見成效則非作
侍中時解此職也
或說耀卿獻所省錢說式耀卿曰芮翻

此公家贏縮之利耳奈何以之市寵乎悉奏以為市糴

錢

糴從
歷翻

張果固請歸恒山制以為銀青光祿大夫號

通玄先生厚賜而遣之後卒好異者奏以為尸解

解佳
買翻

仙家所謂尸解譬猶蟬蛻蟬飛
而蛻在也卒子恤翻好呼到翻

上由是頗信神仙

明皇
改集

仙為集賢殿是其初心不信神仙也至是則頗信矣又
至晚年則深信矣史言正心為難漸入於邪而不自覺

冬十二月戊子朔日有食之

乙巳幽州節度使張守

珪斬契丹王屈烈及可突干傳首

考異曰舊守珪傳屈烈作屈刺契丹傳

來年正月傳首今從實錄

時可突干連年為邊患趙含章薛楚玉皆

不能討守珪到官屢擊破之可突干困迫遣使詐降守

珪使管記王悔就撫之悔至其牙帳察契丹上下殊無

降意

降戶江翻下同

但稍徙營帳近西北密遣人引突厥謀殺

悔以叛悔知之

近其新翻

牙官李過折

考異曰舊契丹傳作過折今從實錄及

守珪傳

與可突干分典兵馬爭權不叶悔說過折使圖之

說式尚翻

過折夜勒兵斬屈烈及可突干盡誅其黨帥餘衆

來降

師讀曰率

守珪出師紫蒙川

據晉書載記秦漢之間東胡邑于紫蒙之野唐書地

理志平州有紫蒙白狼昌黎等戍蓋平州之北境契丹之南界也

大閱以鎮撫之梟屈

烈可突干首于天津之南

梟堅堯翻

突厥毗伽可汗為其大

臣梅錄噉所毒

厥九勿翻伽求迦翻可從刊入聲汗音寒噉陟劣翻

未死討誅梅

錄噉及其族黨既卒子伊然可汗立尋卒弟登利可汗

立

卒子恤翻舊史曰登利華言果報也伊然立詔宗正卿李益弔祭冊立伊然為立碑廟無

考異曰舊傳

幾伊然病卒又立其弟為登利可汗按張九齡集敕登利可汗書云今又遣從叔金吾大將軍佺弔祭又云建

碑立廟貽範紀功然則告喪時登利已立矣實錄銓亦作佺

庚戌來告喪 禁京城

勾者置病坊以廩之

時病坊分置於諸寺以悲田養病本於釋教也勾古太餉

二十三年春正月契丹知兵馬中郎李過折來獻捷制

以過折為北平王檢校松漠州都督

考異曰實錄云同幽州節度副大

使舊傳云授特進檢校松漠州都督按過折雖有功德未必肯使為幽州節度使今從舊傳

乙亥上

耕籍田九推乃止

杜佑曰是年親耕有司進儀注天子三推公卿九推庶人終畝帝欲重耕

籍遂進耕五十餘步盡曉乃止推吐雷翻

公卿以下皆終畝赦天下都城酺

三日

都城謂東都城酺音蒲

上御五鳳樓酺宴觀者諠隘樂不得

奏金吾白梃如雨不能遏

隘烏懈翻梃待鼎翻

上患之高力士奏

河南丞嚴安之為理嚴

唐赤縣丞從七品理治也唐諱治改曰理

為人所畏

請使止之上從之安之至以手板繞場畫地曰犯此者

死于是盡三日人指其畫以相戒無敢犯者時命三百

里內刺史縣令各帥所部音樂集于樓下各較勝負

帥讀

曰懷州刺史以車載樂工數百皆衣文繡服箱之牛皆

為虎豹犀象之狀

詩大東曰脫彼牽牛不以服箱注云服牝服也箱大車之箱也疏云兩較

之間謂之箱甫田云乃求萬斯箱書傳云長幾充箱是車內容物之處丘氏曰服箱猶言駕車也衣於既翻

魯山令元德秀惟遣樂工數人連袂歌于蒿

魯山古魯縣夏孔甲

時御龍氏劉累所遷之地洪為魯陽縣屬南陽郡後魏置魯陽郡隋復為魯縣屬汝州唐為魯山縣以縣有魯山故名于為者德秀所為歌也為韋委翻考異曰明皇雜錄作于為新傳作于為于未詳其義今從雜錄

上曰懷州之人其塗炭乎立以刺史為散官

散官無職事散蘇早

朝德秀性介潔質樸士大夫皆服其高 上美張守珪

之功欲以為相張九齡諫曰宰相者代天理物非賞功之官也上曰假以其名而不使任其職可乎對曰不可

惟名與器不可以假人君之所司也

左傳記孔子之言

且守珪

纔破契丹陛下即以為宰相若盡滅奚厥

奚厥謂奚與突厥厥九勿

翻

將以何官賞之上乃止二月守珪詣東都獻捷拜右

羽林大將軍兼御史大夫賜二子官賞賚甚厚

賚來代翻

初殿中侍御史楊汪既殺張審素

事見上卷十九年

更名萬頃

更工衡翻

審素二子瑄琇皆幼

瑄戶音翻又音皇琇音秀

坐流嶺表尋逃

歸謀伺便復讐

伺相吏翻

三月丁卯手殺萬頃於都城繫表

於斧言父冤狀欲之江外殺與萬頃同謀陷其父者至

汜水為有司所得

汜音祀

議者多言二子父死非罪穉年

孝烈能復父讐宜加矜宥

穉直利翻

張九齡亦欲活之裴耀

卿李林甫以為如此壞國法

壞音怪

上亦以為然謂九齡

曰孝子之情義不顧死然殺人而赦之此塗不可啓也

乃下敕曰國家設法期於止殺各伸為子之志誰非徇

孝之人展轉相讐何有限極咎繇作士

咎與皋同古勞翻繇與陶同餘

招翻法在必行曾參殺人亦不可恕宜付河南府杖殺士

民皆憐之為作哀誅勝於衢路

為于偽翻誅魯水翻

市人斂錢葬

之於北邙恐萬項家發之仍為疑冢數處

多作冢以疑之使莫知其

所葬之的處

唐初公主實封止三百戶中宗時太平公主

至五千戶率以七丁為限開元以來皇妹止千戶皇女
又半之皆以三丁為限駙馬皆除三品員外官而不任
以職事公邑入至少至不能具車服少詩左右或言

沼翻

其太薄上曰百姓租賦非我所有戰士出死力賞不過

束帛女子何功而享多戶邪且欲使之知儉嗇耳秋七

月咸宜公主將下嫁

咸宜公主
下嫁楊洄

始加實封至千戶公主

武惠妃之女也于是諸公主皆加至千戶冬十月戊

申突騎施寇北庭及安西撥換城

騎奇
寄翻

閏月壬午朔

日有食之

考異曰舊紀作十一月壬申朔按長歷十一月壬子朔今從實錄唐歷

十二

月乙亥冊故蜀州司戶楊玄琰女為壽王妃

為帝納妃於後宮以

亂國張本

考異曰實錄載冊文云玄琰長女按陳鴻

長恨歌傳云詔高力士潛搜外宮得楊玄琰女於壽邸

舊貴妃傳云玄琰女早孤養於叔父玄璫又云或奏玄

琰女容色冠代宜蒙召見時妃衣道士服號太真新傳

云始為壽王妃云云遂召內禁中即為自出妃意者勾

籍女官號太真更為壽王娶韋昭訓女而太真得幸舊

史蓋諱

玄琰汪之曾孫也

楊汪見一百八十三卷

是

歲契丹王過折為其臣涅禮所殺

涅奴結翻 考異曰舊

傳過折為可突于餘

黨泥裏所殺不云朝廷如何處置泥裏今据張九齡集

有此賜契丹都督涅禮敕又有賜張守珪敕云涅禮自

難以義責而未有名位恐其不安卿可并其諸子一宣示朝旨使知無它也蓋泥裏即涅禮也

子刺乾奔安東得免

刺盧達翻乾音干開元二年移安東都護府平州

涅禮上

言過折用刑殘虐衆情不安故殺之上赦其罪因以涅

禮為松漠都督且賜書責之曰卿之蕃法多無義於君

長

長知兩翻

自昔如此朕亦知之然過折是卿之王有惡輒

殺之為此王者不亦難乎但恐卿為王後人亦爾常不

自保誰願作王亦應防慮後事豈得取快目前突厥尋

引兵東侵奚契丹涅禮與奚王李歸國擊破之

二十四年春正月庚寅赦天下逃戶聽盡今年內自首

有舊產者令還本貫無者別俟進止踰限不首

首式入翻當

命專使搜求散配諸軍

使疏吏翻

北庭都護蓋嘉運擊突

騎施大破之

蓋古蓋姓也

二月甲寅宴新除縣令於朝堂

上作八長新戒一篇賜天下縣令

朝直遙翻長知兩翻

庚午更

皇子名

更工衡翻七月景子皇太子諸王皆改名今從實錄

考異曰舊紀唐歷二十三年

鴻曰

瑛潭曰琮浚曰璵洽曰琰洧曰瑤滉曰琬淝曰琚澠曰

璲

璲音

澠曰璲

璲公了翻

澤曰璲清曰琄

琄音

洄曰玠

玠方貧翻

沫曰琦溢曰環沔曰理泚曰玘淮曰珪澄曰珙漣曰瑱

瑱他甸翻

從曰璿

璿從宣翻

滔曰璫

璫居影翻

舊制考功員外郎掌

試貢舉人有進士李權陵侮員外李昂議者以員外郎

位卑不能服衆三月壬辰敕自今委禮部侍郎試貢舉

人張守珪使平盧討擊使左驍衛將軍安祿山討奚

契丹叛者

擊使疏吏翻曉堅堯翻下同

祿山恃勇輕進為虜所敗夏

四月辛亥守珪奏請斬之祿山臨刑呼曰

敗蒲邁翻呼火故翻

大

夫不欲滅奚契丹邪奈何殺祿山守珪亦惜其驍勇乃

更執送京師張九齡批曰昔穰苴誅莊賈

史記齊景公使司馬穰苴

為將穰苴曰願得君之寵臣以監軍景公使莊賈往賈素矯貴穰苴與之約日中會于軍門夕時乃止穰苴以

賈後期斬之以令三軍批匹

孫武斬宮嬪

孫武以兵法見吳王閔廬

吳王曰可以勒兵小試於婦人乎曰可於是出宮中美女百八十人分為二隊以王寵姬二人各為隊長皆令持戟約束既布三令五申於是鼓之右婦人大笑孫子曰約束不行申令不熟將之罪也復三令五申而鼓之左婦人復大笑孫子斬左右隊長以徇用其次為隊長而復鼓婦人左右前後跪起皆中繩墨規矩於是吳王知孫子能用

守珪軍令若行祿山不宜免死上惜其才

敕令免官以白衣將領

將即亮翻

九齡固爭曰祿山失律喪

師於法不可不誅且臣觀其貌有反相不殺必為後患

喪息浪翻
相息亮翻

上曰卿勿以王夷甫識石勒枉害忠良

勒年

十四隨邑人行販洛陽倚嘯上東門王衍見而異之顧謂左右曰向者胡雛吾觀其聲視有奇志恐將為天下之患馳遣收之會勒已去竟赦之

考異曰玄宗實錄四月辛亥張守珪奏祿山統戎失律挫敗軍威請

依軍法決斬許之祿山臨刑抗聲言曰兩蕃未和忍殺壯士豈為大夫謀也守珪以祿山嘗提於擒生聞其言遂捨之以聞肅宗實錄云祿山為互市牙郎盜羊事發守珪怒追捕至欲擊殺之祿山大呼曰大夫不欲滅奚契丹兩蕃邪而殺壯士守珪奇其貌壯其言遂釋之姚汝能作祿山事迹其盜羊事與肅宗實錄同又云二十一年守珪令祿山奏事中書令張九齡見之謂裴光庭曰亂幽州者此胡也又云二十四年祿山為平盧將討

奚契丹失利守珪奏請斬之九齡批曰穰苴出征必誅
莊賈孫武行令亦斬宮嬪守珪軍令若行祿山不宜免
死立宗惜其勇銳但令免官白衣展効九齡奏請誅之
立宗曰卿豈以王夷甫識石勒便臆斷祿山難制邪竟
不誅之孫樵作西齋錄其序曰張守珪以安祿山叛者
何貸刑弗教稔禍階也祿山乃張守珪部將嘗犯令張
曲江令守珪斬之不從果使亂天下故書曰張守珪以
安祿山叛舊張九齡傳云張守珪以裨將安祿山討奚
契丹敗衄執送京師請行朝典九齡奏劾曰穰苴出軍
必誅莊賈孫武教戰亦斬宮嬪守珪軍令必行祿山不
宜免死上特捨之九齡奏曰祿山狼子野心面有逆相
臣請因罪戮之冀絕後患上曰卿勿以王夷甫知石勒
故事誤害忠良遂放歸蕃新傳語裴光庭事如事迹執
送京師事如舊傳舊祿山傳盜羊事如事迹而無失利
請斬事新傳亦然舊傳仍云二十年守珪為幽州節度
使祿山盜羊事覺按裴光庭二十一年卒是年冬九齡

為相云與光庭語誤也孫樵云曲江令守珪斬之尤
為失實實錄二十一年守珪猶在隴右與吐蕃立分界
碑未至幽州舊傳云二十年為節度亦誤也按祿山若
始為互市牙郎守珪安能知其終亂天下釋而不殺孫
樵豈得以叛罪加之邪若如舊九齡傳守珪執送京師
玄宗自赦之則守珪何罪而時人咎之也若謂盜羊喪
師兩次當死則祿山豈祇用辭而得免兩死邪若如玄
宗實錄守珪奏請行法得報聽許感其一言輒舍之則
守珪必不敢輕易反覆如此且九齡何從而得見其面
而云面有逆相邪若云守珪未嘗奏請行濫則張九齡
集有賜守珪敕云祿山等輕我兵威曾不審料致令損
失宜其就誅卿既行之軍濫合爾又賜平盧將士敕云
安祿山之誅緣輕敵太過勿因此畏懦致失後圖是當
時曾許之行誅矣若云守珪自捨之非玄宗意則入賜
守珪敕云祿山勇而無謀遂致失利衣甲資盜挫我軍
威論其輕敵合加重罪然初聞勇鬪亦有誅殺又寇戎

未減軍令從權故不以一敗弃之將欲收其後效也不
行薄責又無所懲宜且停官令白衣將領卿更審量本
狀亦任隨事處之今以諸書參考蓋祿山失律守珪奏
請行瀆故前敕云卿既行之軍瀆合爾又云祿山之誅
緣輕敵太過似謂守珪已誅之矣既而守珪感其言
其驍勇欲殺則不忍欲捨則已先奏聞且恐不
將士之心或者報未到故執送京師使上自裁之冀上
見其材力而赦之亦猶陳平執樊噲衛青囚蘇建耳上
因是欲赦之而九齡執奏云守珪軍令若行祿山不宜
免死是并劾守珪不斷於閫外乃更執以諉上之辭也
九齡因此見之而云面有逆相上終欲赦之故九齡不
得已草敕云卿更審量本狀隨事處之守珪得此敕即
捨之以聞如此則與玄宗實安祿山者本營州雜胡初
錄相應而於人情差似相近

名阿華山其母巫也

新書曰祿山本姓康其母居突厥
中禱于軋華山虜所謂戰鬪神者

而生祿山故以為字從母冒

姓安氏阿烏葛翻華呂角翻

父死母攜之再適突厥安

延偃會其部落破散與延偃兄子思順俱逃來故冒姓

安氏名祿山又有史宰干者

宰蘇骨翻

與祿山同里閑先後

一日生

考異曰舊傳云思明除日生祿山元日生按祿山事迹天寶十載正月二十日上及貴妃為

祿山作生

及長相親愛皆為互市牙郎以驍勇聞

牙郎駟衛

也南北物價定於其口而後相與貿易

張守珪以祿山為捉生將祿山每

與數騎出輒擒契丹數十人而返狡猾善揣人情

料即亮翻

騎奇寄翻

守珪愛之養以為子宰干嘗負官債亡入奚

中為奚遊奕所得欲殺之牽干紿曰我唐之和親使也

紿湯亥翻
使疏吏翻

汝殺我禍且及汝國遊奕信之送詣牙帳牽

干見奚王長揖不拜奚王雖怒而畏唐不敢殺以客禮

館之

館古
玩翻

使百人隨牽干入朝牽干謂奚王曰王遣人

雖多觀其才皆不足以見天子聞王有良將瑣高者何

不使之入朝

瑣高者蓋奚中酋豪之號非人名也前
已有李詩瑣高將即亮翻朝直逞翻

奚

王即命瑣高與牙下三百人隨牽干入朝牽干將至平

盧先使人謂軍使裴休子曰奚使瑣高與精銳俱來聲

云入朝實欲襲軍城宜謹為之備先事圖之休子乃具

軍容出迎至館悉阮殺其從兵執瑣高送幽州

使疏史翻先悉

薦翻從才用翻

張守珪以牽干為有功奏為果毅累遷將軍後

入奏事上與語悅之賜名思明

安史事始此

故連州司馬

武攸望之子溫春坐交通權貴杖死

帝平韋氏武攸望貶死春時刃翻

乙丑朔方河東節度使信安王禕貶衢州刺史廣武王

承宏貶房州別駕涇州刺史薛自勸貶澧州別駕皆坐

與溫春交遊故也承宏守禮之子也

幽王守禮章懷太子賢之子

辛

未蒲州刺史王琚貶通州刺史坐與禕交書也 五月

醴泉妖人劉志誠作亂驅掠路人將趣咸陽

妖於喬翻趣七俞翻

村民走告縣官焚橋斷路以拒之

斷音短

其衆遂潰數日

悉擒斬之 六月初分月給百官俸錢 初上因籍田

赦命有司議增宗廟籩豆之薦及服紀未通者太常卿

韋縉奏請宗廟每坐籩豆十二

縉土刀翻坐徂卧翻

兵部侍郎張

均職方郎中韋述議曰聖人知孝子之情深而物類之無限故為之節制人之嗜好本無憑準宴私之饌與時

遷移故聖人一切同歸於古屈到嗜芰屈建不薦以

為不以私欲干國之典

國語楚屈到嗜芰疾名其宗老而屬之曰必以芰及祥

宗老將薦芰屈建命去之曰國君不牛享大夫有羊饋士有豚大夫之奠庶人有魚炙之薦蓮豆脯醢則上下共之不羞珍異不陳庶侈不以其私欲干國之典遂不用芰奇寄翻芰一名芰說文曰楚謂之芰秦謂之薺若今俗但言芰芰武陵記四角三角曰芰兩角曰芰好呼到翻去羌呂翻今欲取甘旨肥濃皆

充祭用苟踰舊制其何限焉書曰黍稷非馨明德惟馨

書成王命君陳之言

若以今之珍饌平生所習求神無方何必泥

古則簋簠可去而盤盂盃按當在御矣韶濩可息而箏

簫箏笛當在奏矣

舜樂曰韶湯樂曰濩箏箏漢武帝使樂人侯調所作或云侯輝所作今按

其形似瑟而小七絃用撥彈之如琵琶舊唐書曰箏箏胡樂也漢靈帝好之體曲而長二十二絃豎抱于懷用兩手齊奏俗名箏箏箏鳳首箏箏有項加軫七絃鄭善子作開元中進形如阮咸其下缺小而身大旁有小缺取其身便也一日箏箏乃鄭衛之音權輿以其亡國之聲故號空國之侯亦曰坎侯風俗通云漢武帝時丘仲作笛按周禮笙師掌教箎遂又云起於羌人後漢馬融所賦橫笛空洞無底刻其二孔五孔一出其背正似今之尺八李善為之注七孔今一尺四寸此乃今之橫笛耳太常鼓吹部中所謂橫吹非融所賦者融賦易京君明識音律故本四孔加以一君明所加孔後出是謂商聲五音畢沈約宋書亦云京房備其五音周禮笙師注杜子春云遂乃今時所吹五孔遂以融約所記論之則古筚不應有五孔子春之說亦未為然今三禮圖畫筚

亦橫設而有五孔不知出何典
據遂與笛同簋音甫簋居消翻
既非正物後嗣何觀夫

神以精明臨人者也不求豐大苟失於禮雖多何為豈

可廢弃禮經以從流俗且君子愛人以禮不求苟合況

在宗廟敢忘舊章太子賓客崔沔議曰祭祀之興肇於

太古茹毛飲血則有毛血之薦未有麋麋則有玄酒之

奠
司烜氏以鑒取明水於
月為玄酒藥魚列翻
施及後王禮物漸備
施弋然
智翻

以神道致敬不敢廢也邇豆簋簠樽壘之實皆周人之

時饌也其用通於宴饗賓客而周公制禮與毛血玄酒

同薦鬼神國家由禮立訓因時制範清廟時饗禮饌畢

陳用周制也

如簋簠豆鉶羹之類饌雖總翻又註鼎制

上食時膳具

設遵漢法也

如叔孫通請薦含桃之類上時掌翻

職貢來祭致遠物也有

新必薦順時令也苑囿之內躬稼所收蒐狩之時親發

所中莫不薦而後食盡誠敬也若此至矣復何加焉

竹中

仲翻復扶入翻

但當申敕有司無或簡怠則鮮美肥濃盡在是

矣不必加籩豆之數也

自此以上諸人之議皆因舊禮而申之

上固欲量

加品味

量音良

縮又奏每室加籩豆各六四時各實以新

果珍羞從之緇又奏喪服舅總麻三月從母外祖父母

皆小功五月外祖至尊同於從母之服姨舅一等服則

輕重有殊

姨即從母也從才用翻

堂姨舅親即未踈恩絕不相為

服舅母來承外族不如同爨之禮竊以古意猶有所未

暢者也請加外祖父母為大功九月姨舅皆小功五月

堂舅堂姨舅母並加至袒免

五服止於總麻此外有袒免之服袒者偏脫衣袖而

露其肩免者以布廣一寸從項中而前交於額上又却向後繞於髻袒音但免音問

崔沔議曰正

家之道不可以貳總一定義理歸本宗是以內有齊斬

齊音

外皆總麻尊名所加不過一等此先王不易之道

也願守八年明旨一依古禮

崔沔所謂詔旨見二百十卷七年曰八年者通帝

即位先天之年數之也

以為萬代成法韋述議曰喪服傳曰禽獸

知母而不知父野人曰父母何等焉都邑之士則知尊

禰矣

傳直戀翻
禰奴禮翻

大夫及學士則知尊祖矣聖人究天道

而厚於祖禰繫族姓而親其子孫母黨比於本族不可

同貫明矣今若外祖與舅加服一等堂舅及姨列於服

紀則中外之制相去幾何廢禮徇情所務者末古之制

作者知人情之易搖恐失禮之將漸別其同異輕重相

懸

易以鼓翻
別彼列翻

欲使後來之人永不相雜微旨斯在豈徒

然哉苟可加也亦可減也往聖可得而非則禮經可得

而隳矣先王之制謂之彛倫

彛常也倫
道理次叙

奉以周旋猶恐

失墜一紊其叙庸可止乎請依儀禮喪服為定

紊音
問

禮

部員外郎楊仲昌議曰

唐禮部郎掌五禮舉
其儀制而辯其名數

鄭文貞公

魏徵始加舅服至小功五月雖文貞賢也而周孔聖也

以賢改聖後學何從竊恐內外乖序親疎奪倫情之所

沿何所不至昔子路有姊之喪而不除孔子曰先王制

禮行道之人皆不忍也子路除之

見記檀弓

此則聖人援事

抑情之明例也記曰毋輕議禮

禮器之言

明其蟠於天地並

彼日月賢者由之安敢損益也敕姨舅既服小功舅母

不得全降宜服緦麻堂姨舅上服袒免均說之子也

說讀

曰悅秋八月壬子千秋節羣臣皆獻

鏡張九齡以為

以鏡自照見形容以人自照見吉凶乃述之世興廢之

源為書五卷謂之千秋金鏡錄上之

上時掌糊

上賜書褒美

甲寅突騎施遣其大臣胡祿達干來請降許之

寄奇

降戶
江翻

御史大夫李適之承乾之孫也。以才幹得幸於

上，數為承乾論辯。甲戌，追贈承乾恒山愍王。

承乾廢見一百九十

七卷太宗貞觀十七年數所
角翻為于偽翻恒戶登翻

乙亥，汴哀王璿薨。冬

十月戊申，車駕發東都。先是，敕以來年二月二日行幸

西京。

先悉
薦翻

會宮中有恠，明日上召宰相，即議西還。裴耀

卿張九齡曰：「今農收未畢，請俟仲冬。」李林甫潛知，上指

二相，退林甫，獨留言於上曰：「長安洛陽陛下東西宮耳。」

往來行幸何更擇時借使妨於農收但應蠲所過租稅

而已

蠲主
玄翻

臣請宣示百司即日西行上悅從之過陝州

以刺史盧真有善政題贊於其聽事而去

稱人之美曰
贊陝失冉翻

聽請
曰廳

真懷慎之子也丁卯至西京朔方節度使牛仙

客前在河西能節用度勤職業倉庫充實器械精利上

聞而嘉之欲加尚書張九齡曰不可尚書古之納言唐

興以來惟舊相及敷歷中外有德望者乃為之仙客本

河湟使典

事見上卷十五年相
息亮翻使疏吏翻

今驟居清要恐羞朝廷

上曰然則但加實封可乎對曰不可封爵所以勸有功

也邊將實倉庫修器械乃常務耳

將即亮翻

不足為功陛下

賞其勤賜之金帛可也裂土封之恐非其宜上默然李

林甫言於上曰仙客宰相才也何有於尚書九齡書生

不達大體

考異曰舊林甫傳曰林甫以九齡言告仙客仙客翌日見上泣讓官爵按時不開仙客

在京今從唐歷

上悅明日復以仙客實封為言

復扶又翻

九齡固執

如初上怒變色曰事皆由卿邪九齡頓首謝曰陛下不

知臣愚使待罪宰相事有未允臣不敢不盡言上曰卿

嫌仙客寒微如卿有何閥閱九齡曰臣嶺海孤賤

九齡韶州

人不如仙客生於中華

牛仙客涇州人

然出入臺閣典司詰

命有年矣

九齡歷司勳員外郎中書舍人

仙客邊隅小吏不知書若

大任之恐不愜衆望

愜苦叶翻

林甫退而言曰苟有才識何

必辭學天子用人有何不可十一月戊戌賜仙客爵隴

西縣公食實封三百戶

初上欲以李林甫為相問於

中書令張九齡九齡對曰宰相繫國安危陛下相林甫

臣恐異日為廟社之憂上不從時九齡方以文學為上

所重林甫雖恨猶曲意事之侍中裴耀卿與九齡善林甫并疾之是時上在位歲久漸肆奢欲怠於政事而九

齡遇事無細大皆力爭林甫巧伺上意日思所以中傷

之伺相吏胡中竹仲胡上之為臨淄王也趙麗妃皇甫德儀劉才

人皆有寵帝置六儀德儀其一也麗妃生太子瑛德儀生鄂王瑤

才人生光王琚及即位幸武惠妃麗妃等愛皆弛惠妃

生壽王瑁寵冠諸子太子與瑤琚會於內第時太子諸王皆居禁

中冠古玩胡各以母失職有怨望語駙馬都尉楊洄尚咸宜

公主常伺三子過失以告惠妃

咸宜公主武惠妃之惠女故楊洄黨於惠妃

妃泣訴於上曰太子陰結黨與將害妾母子亦指斥至

尊上大怒以語宰相欲皆廢之

語牛倨翻

九齡曰陛下伐阼

垂三十年太子諸王不離深宮

離力智翻

日受聖訓天下之

人皆慶陛下享國久長子孫蕃昌

蕃音煩

今三子皆已成

人不聞大過陛下奈何一旦以無根之語喜怒之際盡

廢之乎且太子天下本不可輕搖昔晉獻公聽驪姬之

讒殺申生三世大亂

左傳晉獻公殺其世子申生立驪姬之子里克殺之公子夷吾重耳

及子圉爭國
三世大亂

漢武帝信江充之誣罪戾太子京城流血

事見漢紀

晉惠帝用賈后之譖廢愍懷太子中原塗炭

事見晉紀

隋文帝納獨孤后之言黜太子勇立煬帝遂失天下

事見

隋紀由此觀之不可不慎陛下必欲為此臣不敢奉詔上

不悅林甫初無所言退而私謂宦官之貴幸者曰此主

上家事何必問外人上猶豫未決惠妃密使官奴牛貴

兒謂九齡曰有廢必有興公為之援宰相可長處九齡

叱之以其語白上上為之動色

處昌呂翻上為于偽翻

故訖九齡

罷相太子得無動林甫日夜短九齡於上上浸疎之

考

異曰明皇雜錄云林甫請見屢陳仙客實封九齡頗懷
誹謗于時方秋上命高力士以白羽扇賜之九齡惶恐
作賦以獻新傳亦云然按實錄仙客加實封在十月而
九齡集白羽扇賦序云開元二十四年夏盛暑奉敕使
大將軍高力士賜宰相白羽扇九齡預焉竊有所感立
獻賦云云敕報曰朕近賜羽扇聊以滌暑佳彼勁馴方
資刊用與夫弃捐篋笥義不同也然則上以盛夏賜
宰臣扇非以秋日獨賜九齡但九齡因此獻賦自寄意

耳林甫引蕭炅為戶部侍郎炅素不學

炅古
迴翻

嘗對中書

侍郎嚴挺之讀伏臘為伏獵挺之言於九齡曰省中豈
容有伏獵侍郎由是出炅為岐州刺史故林甫怨挺之

九齡與挺之善欲引以為相嘗謂之曰李尚書方承恩

李林甫時以禮部尚書相

足下宜一造門與之款暱挺之素負氣薄

林甫為人竟不之詣林甫恨之益深挺之先娶妻出之更嫁蔚州刺史王元琰元琰坐贓罪下三司按鞠挺之為之營解林甫因左右使於禁中白上上謂宰相曰挺

之為罪人請屬所由

造七到翻更工衡翻蔚紆勿翻九下退嫁翻為于偽翻屬之欲翻

齡曰此乃挺之出妻不宜有情上曰雖離乃復有私

復扶

入翻下於是上積前事以耀卿九齡為阿黨壬寅以耀

無復同

卿為左丞相九齡為右丞相並罷政事以林甫兼中書

令仙客為工部尚書同中書門下三品領朔方節度如

故

考異曰唐歷曰宰相遙領節度自仙客始按蕭嵩已遙領河西非始此

嚴挺之貶洺州

刺史

舊志洺州京師東北一千五百八十五里

王元琰流嶺南上即位以來

所用之相姚崇尚通宋璟尚法張嘉貞尚吏張說尚文

李元紘杜暹尚儉韓休張九齡尚直各其所長也九齡

既得臯自是朝廷之士皆容身保位無復直言李林甫

欲蔽塞人主視聽自專大權明召諸諫官謂曰今明主

在上羣臣將順之不暇烏用多言諸君不見立仗馬乎

食三品料一鳴輒斥去悔之何及

塞悉則翻去羌呂翻唐舊儀每日尚乘以

廐馬八匹分為左右廂立於正殿側宮門外俟仗下即散若大陳設則馬在樂懸之北與大象相次進馬二人

戎服執鞭侍立于馬之左隨馬進退補闕杜璡嘗上書言事

璡資平翻上時掌翻考

異曰唐歷作杜挺今從新書

明日黜為下邳令

唐制上縣令從六品上補闕從七品上以

此言之則非黜也蓋唐人重內官而品之高下不論也况遺補供奉官地居清要乎

自是諫爭路

絕矣牛仙客既為林甫所引專給唯諾而已

爭讀曰諍惟于癸翻

然二人皆謹守格式百官遷除各有常度雖奇才異行

不免終老常調其以巧諂邪險自進者則超騰不次自
有它蹊矣林甫城府深密人莫窺其際好以甘言啗人
而陰中傷之不露辭色凡為上所厚者始則親結之及
位執稍逼輒以計去之

行下孟翻調徒弔翻
中竹仲翻去羌呂翻

雖老奸巨

猾無能逃於其術者

如韋堅楊真矜
王拱之類是也

二十五年春正月初置立學博士

崇立學習老子莊子
文子列子亦曰道舉

每歲依明經舉

二月敕曰進士以聲韻為學多昧古

今明經以帖誦為功罕窮旨趣自今明經問大義十條

對時務策三首進士試大經十帖 戊辰新羅王興光

卒

恤翻

子承慶襲位 乙酉幽州節度使張守珪破契

丹於捺祿山

使疏吏翻契欺訖翻
又音喫捺奴軋翻

已亥河西節度使

崔希逸襲吐蕃破之於青海西初希逸遣使謂吐蕃乞

力徐曰兩國通好今為一家何必更置兵守捉妨人耕

牧請皆罷之乞力徐曰常侍忠厚

吐從職入聲崔希逸
蓋帶散騎常侍鎮河

西故稱之使疏吏翻
好呼到翻捉仄角翻

言必不欺然朝廷未必專以邊事

相委萬一有姦人交關其間掩吾不備悔之何及希逸

因請乃刑白狗為盟各去守備于是吐蕃畜牧被野

直朝

又翻去羌呂翻被皮義翻畜許救翻

時吐蕃西擊勃律來告急上命

吐蕃罷兵吐蕃不奉詔遂破勃律上甚怒會希逸僉人

孫誨入奏事

僉苦念翻僉從也唐制凡諸軍鎮大使副使以下皆有僉人別奏以為之使大使僉

二十五人別奏十人副使僉二十人別奏八人

自欲求功奏稱吐蕃無備請掩

擊必大獲上命內給事趙惠琮與誨偕往審察事宜

唐內

侍省有內給事十人從五品下掌承旨勞問分判省事凡元日冬至百官賀皇后則出入宣傳宮人衣服費用則具品秩計其多少春秋宣送中書惠琮等至則矯詔令希逸襲之希逸

不得已發兵自涼州南入吐蕃二千餘里至青海西與

吐蕃戰大破之斬首二千餘級乞力徐脫身走惠琮誨

皆受厚賞自是吐蕃復絕朝貢

復扶又翻下而復同朝直遙翻

夏四

月辛酉監察御史周子諒彈牛仙客非才引讖書為證

薛居正五代史曰天后朝有讖辭云首尾三麟六十年

兩角犢子自狂顛龍蛇相鬪血成川當時好事者解云

兩角犢子牛也必有牛姓于

唐作監古術翻彈徒丹翻

上怒命左右擗于殿庭

擗蒲

角胡擊也絕而復蘇仍杖之朝堂流瀼州至藍田而死

又匹角胡

瀼如羊翻又而章翻藍田縣漢晉屬京兆後魏真君七年併入霸城太和十一年復後周置藍田郡隋廢郡為

縣屬京兆府九域志在府東南七十里 考異曰舊紀

云子諒以妄陳休咎於朝堂決殺實錄此月則曰子諒

彈奏仙客非才引妖識為證上怒召入禁中責之左右

拉者數四氣絕而蘇及仙客傳則云子諒竊言於御史

大夫李適之曰牛仙客不才濫登相位大夫國之懿親

宜得坐觀其事適之遽奏子諒之言上大怒廷詰子諒

子諒辭窮於朝堂決杖配流懷州行至藍田死舊仙客

傳亦然今從此月實錄及舊紀柳宗元周君墓碣云有

唐貞臣汝南周氏諱某字某又曰在天寶年有以諂諛

至相位賢臣放退公為御史抗言以白其事得死于墀

下宗元集此碣雖無名字然其

事則子諒也云在天寶年誤矣 李林甫言子諒張九齡

所薦也甲子貶九齡荊州長史 楊洄又奏太子瑛鄂

王瑤光王琚云與太子妃兄駙馬薛鏞潛構異謀 鏞息

六胡

又息救翻考異曰新傳曰二十五年洄復構瑛瑤琚與妃之兄薛鏞異謀惠妃使人說召太子二王曰宮中

有賊請介以入太子從之妃白帝曰太子二王謀反甲而來帝使中人視之如言遽召宰相林甫議答曰陛下

家事非臣所宜豫帝意決乃廢瑛等按瑛等與惠妃相猜忌已久雖承妃言宜肯遽被甲入宮又按廢太子制

書云陷元良於不友誤二子於不義不言被甲入宮也蓋洄諧瑛等云欲害薛王瑁耳今從舊傳但云潛構異

謀上召宰相謀之李林甫對曰此陛下家事非臣等所

宜豫上意乃決乙丑使宦者宣制於宮中廢瑛瑤琚為

庶人於宮中廢之用李林甫家事之言也考異曰獨孤及作裴瑛行狀云公為起居郎三庶人以罪廢

壽王以母寵子愛議者頗有奪宗之嫌道路惴惴朝野疑愚公乃從容請問慷慨獻諫上遽新城之殷鑒下陳

庚園之元龜謂興亡之由在廢立之地天子感悟改容以謝因詔以給事中授公公曰陛下絕招諫之路為日固久今臣一言而荷殊寵則言者衆矣何以錫之上善其敏而多其讓乃止不拜尋除尚書禮部員外郎按稹光庭之子當是時周子諒杖死張九齡遠貶稹若敢為太子直冤則聲振宇宙宜得湮沒無聞而諸書皆不言此事蓋出於及之虛美耳

流鏞於灤州瑛瑤琚尋賜死城東驛鏞賜

死於藍田瑤琚皆好學有才識死不以罪人皆惜之

呼好

到翻丙寅瑛舅家趙氏妃家薛氏瑤舅家皇甫氏坐流貶

者數十人惟瑤妃家韋氏以妃賢得免五月夷州刺

史楊濬坐賊當死上命杖之六十流古州

夷州漢牂柯地其後為微

外隋開置綏陽縣屬明陽郡武德四年置夷州於思州
寧夷縣明陽屬焉而綏陽屬義州貞觀元年廢夷州而
明陽寧夷屬務州四年復置夷州於黔州都上縣尋又
自都上移於綏陽貞觀十二年李弘節開夷獠置古州
屬容州
都督府左丞相裴耀卿上疏以為決杖贖死恩則甚優

解體受笞事頗為辱止可施之徒隸不當及於士人上
從之 癸未敕以方隅底定令中書門下與諸道節度
使量軍鎮閑劇利害審計兵防定額於諸色征人及客
戶中召募丁壯長充邊軍增給田宅務加優恤 辛丑
上命有司選宗子有才者授以臺省及法官京縣官敕

曰違道慢常義無私於王注修身交貪具上薄於它人

期於帥先勵我風俗

帥讀曰率

秋七月己卯大理少卿徐

嶠

考異曰舊紀作徐嶠今從刑法志通典

奏令歲天下斷死刑五十八大

理獄院由來相傳殺氣太盛鳥雀不栖今有鵲巢其樹

于是百官以幾致刑措上表稱賀

斷丁亂翻幾居依翻上時掌翻

上歸

功宰輔庚辰賜李林甫爵晉國公牛仙客龜國公

考異曰實

錄七月戊寅有司奏囚減少上歸美宰臣制曰斷獄五

十始至無刑遂封二人又十月丙午上因聽政問京城

囚徒有司奏有五十人怡然有喜色下制曰日者茂棘

之地烏鵲來巢今結諸刑名纔逾五十其刑部侍郎鄭

少微等各賜中上考二者未詳其為一事二事今從舊紀

上命李林甫牛仙客與法

官刪修律令格式成九月壬申頒行之先是西北邊

數十州多宿重兵

先悉為翻

地租營田皆不能贍

贍而

始用

和糴之法有彭果者因牛仙客獻策請行糴法於關中

戊子敕以歲稔穀賤傷農命增時價什二三和糴東西

畿粟各數百萬斛

東畿都畿也西畿京畿也糴他歷翻

停今年江淮所運

租自是關中蓄積羨溢

羨延面翻

車駕不復幸東都矣

復扶人翻

癸巳敕河南北租應輸含嘉太原倉者

據李泌傳太原倉在陝州西

皆留輸本州

太常博士王璵

璵音余，不言璵鄉里世系新傳

考異曰舊傳

云方慶六世孫又新舊傳皆曰抗疎請置春壇因遷太常博士不知其本何官也新表王方慶五世孫璵事肅宗按方慶長安二年卒距此才三十六年不應已有五世六世孫能上疏恐與偶與之同名實非也今不取

上疏請立青帝壇以迎春從之冬十月辛丑制自今立

春親迎春於東郊時上頗好祀神鬼

好呼到翻

故璵專習祠

祭之禮以干時上悅之以為侍御史領祠祭使璵祈禱

或焚紙錢類巫覡

漢以來喪葬有瘞錢後世俚俗稍以紙寓錢為鬼事使疏吏翻覡刑狄翻

習禮者羞之

壬申上幸驪山溫泉乙酉還宮

己丑

開府儀同三司廣平文貞公宋璟薨 十二月丙午惠

妃武氏薨贈謚貞順皇后 是歲命將作大匠康儔素

之東都毀明堂

儔與愆同攝文也新書禮樂志作儔素

儔素上言毀之勞

人請去上層

去羌呂翻

卑於舊九十五尺仍舊為乾元殿從

之初令租庸調租資課

調徒弔翻

皆以土物輸京都

西京東都

租庸調高祖太宗之法租資課必開元以來之法

二十六年春正月乙亥以牛仙客為侍中 丁丑上迎

氣於湓水之東

湓音產

制邊地長征兵召募向足自今

鎮兵勿復遣

復扶又翻

在彼者縱還

令天下州縣里別置

學 壬辰以李林甫領隴右節度副大使以鄆州都督

杜希望知留後

鄆時戰翻又音善

二月乙卯以牛仙客兼河東

節度副大使

牛仙客先已領朔方今兼河東

己未葬貞順皇后于敬

陵

武惠妃謚貞順皇后敬陵在京兆萬年縣東南四十里

壬戌敕河曲六州胡

坐康待賓散隸諸州者聽還故土

方人之間置宥州

以處之

徙六胡州見二百一十二卷十年今併六胡州之地以為宥州舊志宥州去京師二千一百里夏

戶雅翻處昌呂翻

三月吐蕃寇河西節度使崔希逸擊破之

鄯州都督知隴右留後杜希望攻吐蕃新城拔之以其

地為威戎軍

鄯州星宿川西北三百五十里有威戎軍
考異曰舊傳作威武軍今從實錄

置

兵一千戍之

夏五月乙酉李林甫兼河西節度使

已領

隴右又兼河西

丙申以崔希逸為河南尹希逸自念失信於吐

蕃

以背乞力徐之盟也

內懷愧恨未幾而卒

幾居宜翻

太子瑛既死

李林甫數勸上立壽王瑁上以忠王璵年長且仁孝恭

謹又好學意欲立之猶豫歲餘不決自念春秋浸高三

子同日誅死繼嗣未定常忽忽不樂寢膳為之減高力

士乘間請其故

數所角翻長知兩翻好呼到翻
樂音洛為于偽翻問古覓翻

上曰汝

我家老奴豈不能揣我意

揣初委翻

力士曰得非以郎君未

定邪上曰然對曰大家何必如此虛勞聖心但推長而

立

長知兩翻
大材注謂肅宗也

考異曰統紀叙力士語云但從
大材語不可晚今從新傳

誰敢復

爭

復扶人翻

上曰汝言是也汝言是也由是遂定六月庚子

立輿為太子

辛丑以岐州刺史蕭昊為河西節度使

總留後事鄯州都督杜希望為隴右節度使太僕卿王

昱為劔南節度使

考異曰舊傳作王
吳今從實錄唐厯

分道經略吐蕃仍

毀所立赤嶺碑

立碑見上
卷廿一年

突騎施可汗蘇祿素廉儉

每攻戰所得輒與諸部分之不留私蓄由是衆樂為用

樂音洛

既尚唐公主又潛通突厥及吐蕃突厥吐蕃各以

女妻之蘇祿以三國女為可敦又立數子為葉護用度

浸廣由是攻戰所得不復更分晚年病風一手攣縮

妻七

細翻復扶又翻下
而復同字問緣翻

諸部離心酋長莫賀達干都摩度兩

部最彊

酋慈由翻長知兩翻考異曰會要作莫賀吐達
十今從實錄新傳作都摩支今從實錄舊傳

其部落又分為黃姓黑姓互相乖阻

突騎施種人自謂
安葛後者為黃姓

蘇祿部
為黑姓

于是莫賀達干勒兵夜襲蘇祿殺之都摩度初

與莫賀達干連謀既而復與之爭
蘇祿之子骨噉為

吐火仙可汗以收其餘衆與莫賀達干相攻莫賀達干

遣使告磧西節度使蓋嘉運

磧七
迹翻

上命嘉運招集突騎

施拔汗那以西諸國吐火仙與都摩度據碎葉城黑姓

可汗爾微特勒據怛邏斯城

碎葉川長千里西屬怛邏
斯城其城初屬石國石常

分兵鎮之蓋古蓋翻騎奇寄翻可從刊入聲汗音寒怛
當割翻邏郎佐翻考異曰唐歷作怛邏斯今從實錄

相與連兵以拒唐
太子將受冊命儀注有中嚴外辨

及絳紗袍

唐制皇帝大祀致齋之日晝漏上水一刻侍中版奏請中嚴諸衛入陳于殿庭文武五品

已上袴褶陪位諸侍從之官服其器服諸侍臣齋者結佩詣閤奉迎二刻侍中版奏外辨乘輿乃出朝會諸衛

立仗百官就列已定侍中亦奏外辨不請中嚴皇帝將出駕發前七刻擊一鼓為一嚴前五刻擊二鼓為再嚴

侍中版奏請中嚴有司陳由簿前二刻擊三鼓為三嚴諸衛以次入立于殿庭羣官立朝堂侍中中書令已下

奉迎于西階侍中奉寶乘黃令進路於太極殿西階南向千牛將軍執長刀立路前北向黃門侍郎立侍臣之

前贊者二人既外辨太僕卿攝衣而升正立執轡乘輿出升路太后皇后亦有中嚴外辨皆尚儀版奏皇太子

中嚴外辨左庶子版奏皇帝冠通天冠則服絳紗袍冬至受朝賀祭還燕羣臣養老之服也太子冠遠遊冠亦

服絳紗袍謁廟還宮元日朔日入廟釋奠之服也

太子嫌與至尊同稱表請易

之左丞相裴耀卿奏停中嚴改外辦曰外備改絳紗袍

為朱明服秋七月己巳上御宣政殿冊太子

考異曰元載肅宗

實錄云二十七年七月壬辰行典禮今從玄宗實錄

故事太子乘輅至殿門至是

太子不就輅自其宮步入是日赦天下己卯冊忠王妃

韋氏為太子妃

杜希望將鄆州之衆奪吐蕃河橋築

鹽泉城於河左吐蕃發兵三萬逆戰希望衆少不敵

將即

亮翻又音如字鄆音善又時戰翻吐從職入聲少始紹翻

將卒皆懼左威衛郎將王

忠嗣帥所部先犯其陳所向闢易殺數百人虜陳亂

將即

亮翻嗣祥吏翻帥
讀曰率陳讀曰陣

希望縱兵乘之虜遂大敗置鎮西軍

於鹽泉

鎮西軍在河州西百八十里

忠嗣以功遷左金吾將軍八

月辛巳勃海王武藝卒子欽茂立九月丙申朔日有

食之初儀鳳中吐蕃陷安戎城而據之

初劍南度茂州之西蔡安

戎城戍之以進吐蕃南鄰生羌導吐蕃取之因守之遂并西洱河諸蠻東與松茂爲接

其地險要

唐屢攻之不克劍南節度使王昱築兩城於其側頓軍

蒲婆嶺下

新書作蓬婆嶺其地在雪山外杜甫詩所謂次取蓬婆雪外城是也

運資糧以

逼之吐蕃大發兵救安戎城昱衆大敗死者數千人

考

異曰舊傳將士數萬人皆沒于賊今從實錄

昱脫身走糧仗軍資皆弃之賊

昱枯州刺史再貶高要尉而死 戊午冊南詔蒙歸義

為雲南王

水經注雲南郡本雲山縣地也蜀劉氏建興二年置郡自唐戎州開邊縣而南七十里至

曲州又二千五百里至雲南城

歸義之先本哀牢夷地

哀牢夷漢明帝之時內附居

姚州之西東南接交趾西北接吐蕃蠻語謂王曰詔先

有六詔曰蒙舍曰蒙越曰越析曰浪穹曰樣備曰越澹

考異曰新書六詔曰蒙雋越析

邊陲施浪蒙舍今從實錄雲南別錄

力相埒莫能

相壹

埒力較翻

歷代因之以分其執蒙舍最在南故謂之南

詔高宗時蒙舍細奴邏初入朝細奴邏生邏盛邏盛生

盛邏皮盛邏皮生皮邏閣

朝直遙翻邏郎佐翻
曰新傳云蒙氏父子以名相

考異

屬細奴邏生邏盛炎邏盛炎生炎問武后時邏盛炎身
入朝妻方娠生盛邏皮喜曰我又育子雖死唐地足矣
炎問立死開元時弟盛邏皮立生皮邏問授特進臺登
郡王炎問未有子時以問邏鳳為嗣及生子還其宗而
名承問遂不改按邏盛炎之子盛邏皮宜得云以名相
屬既有炎問宜得云我又育子雖死唐地足矣今從舊
南詔傳及楊國忠傳雲南別錄又
舊南詔傳問皆作問今從新傳

皮邏閣浸疆大而五

詔微弱會有破洱河蠻之功

洱河即西洱河
洱音乃吏翻

乃賂王昱

求合六詔為一昱為之奏請

為于
偽翻

朝廷許之仍賜名歸

義於是以兵威脅服羣蠻不從者滅之遂擊破吐蕃徙

居大和城其後卒為邊患

南詔事始此其先烏蠻別種夷語山陂陀為和故謂之大

和城卒子恤胡

冬十月戊寅上幸驪山溫泉壬辰上還宮

是歲於西京東都往來之路作行宮千餘間分左

右羽林置龍武軍以萬騎營隸焉

騎奇寄胡

潤州刺史齊

澣奏自瓜步濟江迂六十里請自京口埭下直濟江穿

伊婁河二十五里即達揚子縣立伊婁埭從之

埭音代按舊書

本紀齊澣開伊婁河於揚州南瓜州浦則今之瓜洲運河是也但揚子縣今為真州治所安能二十五里即達

楊子縣若自瓜洲達楊子橋則二十五里而近今之楊子橋或者唐之楊子縣治所橋以此得名也

二十七年春正月壬寅命隴右節度大使榮王琬自至

本道巡按處置諸軍

處昌呂翻

選募關內河東壯士三五萬

人詣隴右防遏至秋末無寇聽還羣臣請加尊號曰

聖文二月己巳許之因赦天下免百姓今年田租夏

四月癸酉敕諸陰陽術數自非昏喪卜擇皆禁之己

丑以牛仙客為兵部尚書兼侍中李林甫為吏部尚書

兼中書令總文武選事

蓋令牛仙客總武選李林甫總文選也選須絹翻

六

月癸酉以御史大夫李適之兼幽州節度使幽州將趙
堪白真陀羅矯節度使張守珪之人更平盧軍使烏知

義擊叛奚餘黨於橫水之北

橫水當作潢水新書作涅水舊書張守珪傳作潢水

今從之潢水在遼國今臨潢府界志云自營州度松陁嶺北行四百里至潢水使疏吏翻將即亮翻

知義

不從白真陀羅矯稱制指以迫之知義不得已出師與
虜遇先勝後敗守珪隱其敗狀以克獲聞事頗泄上令

內謁者監牛仙童往察之

內謁者監唐正六品下掌內宣傳及諸親命婦朝會所司

籍其人數送內侍省

守珪重賂仙童歸罪於白真陀羅逼令自縊

死繼於計翻仙童有寵於上衆宦官疾之共發其事上怒甲

戌命楊思勗杖殺之思勗縛格杖之數百剗取其心割

其肉啗之

啗徒濫翻又徒覽翻

守珪坐貶括州刺史太子太師蕭

嵩嘗賂仙童以城南良田數頃李林甫發之嵩坐貶青

州刺史秋八月乙亥磧西節度使蓋嘉運擒突騎施

可汗吐火仙

磧七迹翻蓋古盍翻

嘉運攻碎葉城吐火仙出戰敗

走擒之於賀邏嶺分遣疏勒鎮守使夫蒙靈訖與拔汗

那王阿悉爛達干潛引兵突入怛邏斯城擒黑姓可汗

爾微遂入曳建城取交河公主

交河公主事始二百一十二年

悉

收散髮之民數萬以與拔汗那王威震西陲

壬午吐

蕃寇白草安人等軍

白草軍在蔚茹水之西又鄯州星宿川之西有安人軍蔚茹水在原

州蕭關縣此時吐蕃兵不能至疑白草軍當作白水軍

隴右節度使蕭晃擊破之

晃火
迴翻

甲申追謚孔子為文宣王先是祀先聖先師周

公南向孔子東向坐制自今孔子南向坐被王者之服

釋奠用宮懸

先悉薦翻被皮義翻周禮王宮懸諸侯軒懸卿大夫判懸士特懸注云宮懸四面懸

象宮室四面有牆故謂之宮懸軒懸三面其形曲判懸又去其一面特懸又去其一面

追贈弟子

皆為公侯伯

顏淵充公閔子騫費侯冉伯牛鄆侯仲弓薛侯冉有徐侯季路衛侯宰我齊侯子貢

黎侯子游吳侯子夏魏侯曾參成伯顓孫師陳伯澹臺滅明江伯宓子賤單伯原憲原伯公冶長莒伯南宮适邾伯公哲哀鄆伯曾點宿伯顏路杞伯商瞿蒙伯高柴共伯漆雕開滕伯公伯寮任伯司馬牛向伯樊遲樊伯有若卞伯公西赤邵伯正馬期鄆伯梁鮪梁伯顏柳蕭伯冉孺鄆伯曹邳豐伯伯虔鄆伯公孫龍黃伯冉季產東平伯秦子南少梁伯漆雕斂武城伯顏子駑邾伯漆雕徒父須句伯壤駟赤北微伯商澤睢陽伯石作蜀郕邑伯任不齊任城伯公夏首亢父伯公良孺東牟伯后處營丘伯秦開彭衙伯奚容蒧下邳伯公肩定新田伯顏襄臨沂伯鄆單銅鞮伯句井疆淇陽伯罕父黑乘丘伯秦商上洛伯申黨召陵伯公祖子之期思伯榮子祺雩婁伯縣成鉅野伯左人郢臨淄伯燕伋魚陽伯邾子徒榮陽伯秦非汧陽伯施常乘氏伯顏增耒虛伯少叔

乘淳于伯顏之僕東武伯原亢籍萊蕪伯樂敦昌平伯
庶潔莒父伯顏何開陽伯叔仲會瑕丘伯狄黑臨濟伯
邾吳平陸伯孔忠汶陽伯公西
興如重丘伯公西歲祝阿伯

九月戊午處木昆鼠

尼施弓月等諸部先隸突騎施者皆帥衆內附

帥讀曰率

仍

請徙居安西管內

太子更名紹

更工衡翻

冬十月辛巳

改修東都明堂

按舊書帝紀即東都乾元殿改修明堂

丙戌上幸驪山

溫泉十一月辛丑還宮

田氏明堂成

劍南節度使

張宥文吏不習軍旅悉以軍政才團練副使章仇兼瓊

據舊志上元後置團練使余旼店判凡有團結兵之地
則置團練使此時蜀有黎雅邛翼茂州鎮防團結兵

故有團練副使安史亂後諸州皆置團練使矣

兼瓊入奏事盛言安戎城可取

上悅之丁巳以宥為光祿卿十二月以兼瓊為劔南節

度使初睿宗喪既除祫于太廟自是三年一祫五年

一禘是歲夏既禘冬又當祫

祫疾夾翻

太常議以為祭數則

禘

數所角翻

請停今年祫祭自是通計五年一祫一禘從之

史言如此乃合於五年再殷祭之義

二十八年春正月癸巳上幸驪山溫泉庚子還宮二

月荊州長史張九齡卒上雖以九齡忤旨逐之

卒子恆翻忤五

故翻然終愛重其人每宰相薦士輒問曰風度得如九齡

不不讀曰否

三月丁亥朔日有食之章仇兼瓊潛與安

戎城中吐蕃翟都局及維州別駕董承晏結謀使局開

門引內唐兵盡殺吐蕃將卒使監察御史許遠將兵守

之

將即亮翻監古覓翻

遠敬宗之曾孫也

永徽顯慶之間許敬宗以姦佞致位公輔安史

之亂遠乃能効死節以報國史故著其世以免為臣者

甲寅蓋嘉運入獻捷上

赦吐火仙罪以為左金吾大將軍嘉運請立阿使那懷

道之子斯為十姓可汗從之

考異曰舊傳云嘉運請立懷道之子斯為可汗以

鎮撫之莫賀達干不肯曰討平蘇祿本是我之元謀若立史昕為主則國家何以酬賞於我乃不立史昕便令莫賀達干統衆二十七年嘉運詣闕獻俘仍令將吐火仙獻于太廟會要二十九年以解瑟羅之子昕為可汗遣兵送之天寶元年昕至碎葉西南俱南城為莫賀咄達干所殺三年安西節度使馬靈祭斬之更立其酋長為在地米里骨咄祿毗伽可汗按實錄開元二十八年三月甲寅蓋嘉運俘吐火仙來獻四月辛未冊十姓可汗阿史那昕妻李氏為交河公主十二月乙卯突騎施可汗莫賀達干率其妻子及橐官首領百餘帳內屬初莫賀達干與烏蘇萬洛扇誘諸蕃叛于我上命蓋嘉運宣恩招諭皆相率而降新傳云達干不肯立昕即誘部落叛詔嘉運招諭乃率妻子等降遂命統其衆後數年復以昕為可汗遣兵送昕至俱闐城為莫賀咄所殺莫賀咄自為可汗安西節度使天蒙靈祭誅斬之若如舊傳所言嘉運使以莫賀達干為可汗統衆則莫賀不

應復叛且立可汗當須廷冊命嘉運宜得擅立于塞外也若未以為可汗則實十二月不應謂突騎施可汗莫賀達干也若如會要所二十九年始立斯為可汗則實錄二十八年四月不應謂斯為十姓可汗也蓋嘉運既平突騎施即奏立斯為十姓可汗故莫賀達干不服而叛明皇乃以莫賀達干為小可汗止統突騎施之衆使嘉運招諭之故來降然斯為十姓可汗兼統諸部故明皇遣兵送之而為莫賀達干所殺事或然也但實錄脫略疑不敢贊故略采諸書所見存其梗槩書之

夏四月辛未以斯妻李

氏為交河公主 六月吐蕃圍安戎城 上嘉蓋嘉運

之功以為河西隴右節度使使之經略吐蕃嘉運恃恩

流連不時發

蓋嘉運恃其邊功以自昵於人主是從流於上也在京師以酒色自娛而不即赴鎮

是從流於下也史以
流連二字言之音哉

左丞相裴耀卿上疏

上時掌翻以疏所去翻

為臣近與嘉運同班觀其舉措誠勇烈有餘然言氣矜

誇恐難成事昔莫敖狃于蒲騷之役卒喪楚師

左傳楚莫敖屈

瑕既敗郢師於蒲騷復伐羅闢伯比送之曰莫敖必敗

舉趾高心不固矣遂見楚子楚子入告夫人鄧曼鄧曼

曰莫敖狃於蒲騷之役將自用也君若不鎮撫其不設

備乎莫敖果不設備及羅羅與盧戎兩軍之大敗之狃

女兒翻陸德明曰騷音蕭入音慘卒子恤翻今嘉運有驕敵之色臣竊憂之

况防秋非遠未言發日若臨事始去則士卒尚未相識
何以制敵且將軍受命鑿凶門而出今乃酣飲朝夕殆

非憂國愛人之心若不可改易宜速遣進塗仍乞聖恩

嚴加訓勵上乃趣嘉運行

趣讀日促

已而嘉運竟無功

蓋嘉運小

器易盈志氣情矣安能有功

秋八月甲戌幽州奏破奚契丹冬

十月甲子上幸驪山溫泉辛巳還宮吐蕃寇安戎城

及維州發關中彊騎救之

騎寄

吐蕃引去更命安戎城

曰平戎

更工衡翻

十一月罷牛仙客朔方河東節度使

突騎施莫賀達干聞阿史那昕為可汗怒曰首誅蘇祿我之謀也今立史昕何以賞我遂帥諸部叛上乃立莫

賀達干為可汗使統突騎施之衆命蓋嘉運招諭之十

二月乙卯莫賀達干降

帥讀曰率降戶江翻

金城公主薨

金城公主

事始二百八卷中宗景龍元年

吐蕃告喪且請和不許是歲天下

縣千五百七十三戶八百四十一萬二千八百七十一

口四千八百一十四萬三千六百九西京東都米斛直

錢不滿二百絹匹亦如之海內富安行者雖萬里不持

寸兵

以開元之承平而戶口猶不及漢之盛時唐興以來治日少而亂日多也

二十九年春正月癸巳上幸驪山溫泉 丁酉制承前

諸州飢饉皆待奏報然始開倉賑給

承前猶今言從前也然始猶今言然

後道路悠遠何救懸絕自今委州縣長官與采訪使量

事給訖奏聞

長知兩翻使疏吏翻量音良

庚子上還宮上夢玄

元皇帝告云吾有像在京城西南百餘里汝遣人求之

吾當與汝興慶宮相見

有宋大中祥符之事皆唐明皇赦之也

上遣使求

得之於蓋屋樓觀山間

蓋屋縣漢屬扶風後魏併入武功尋復後周為周南郡隋廢郡

以蓋屋縣隸雍州唐屬岐州蘇軾曰樓觀山今為崇聖觀乃尹洙舊宅山脚有授經臺尚在使疏吏翻蓋屋音

舟室觀古玩翻下同

夏閏四月迎置興慶宮五月命畫玄元真容

分置諸州開元觀

六月吐蕃四十萬衆入寇至安仁

軍

安仁軍當作安人軍

渾崕峰騎將臧希液帥衆五千擊破之

騎

寄

翻將即亮翻帥讀曰率

考

秋七月丙寅突厥遣

異曰舊傳作盛希液今從唐姓

使來告登利可汗之喪初登利從叔二人分典兵馬號

左右殺

從于用翻

登利患兩殺之專與其母謀誘右殺斬之

誘音酉

自將其衆

將即亮翻

左殺判闕特勒勒兵攻登利殺之

立毗伽可汗之子為可汗俄為骨咄葉護所殺更立其

弟

伽求逆翻咄當沒翻更工衡翻

尋又殺之骨咄葉護自立為可汗

考

異曰舊傳云左殺自立為烏蘇米施可汗唐歷新傳皆云判闕特勒子為烏蘇米施可汗天寶初立今從之

上以突厥內亂癸酉命左羽林將軍孫老奴招諭回紇

葛邏祿拔悉密等部落

紇下沒翻
邏郎佐翻

乙亥東都洛水溢

溺死者千餘人

溺奴
狄翻

平盧兵馬使安祿山傾巧善事

人人多譽之

譽音
余

上左右至平盧者祿山皆厚賂之由

是上益以為賢御史中丞張利貞為河北采訪使至平

盧祿山曲事利貞乃至左右皆有賂利貞入奏盛稱祿

山之美八月乙未以祿山為營州都督充平盧軍使

考

異曰實錄此年八月以幽州節度副大使安祿山為營
州刺史充平盧渤海黑水軍使舊紀以幽州節度副使
安祿山為營州刺史平盧軍節度副使會要二十八
王斛斯為平盧節度使遂為定額按舊傳祿山自平盧
兵馬使為平盧軍使蓋以平盧兵馬使帶幽州節度副
使之名耳實錄行大字也天寶元年始以平盧為節度
會要兩蕃渤海黑水四府經略使唐謂奚契丹為兩蕃冬十月

丙申上幸驪山溫泉 壬寅分北庭安西為二節度

十一月庚戌司空邠王守禮薨守禮庸鄙無才識每天
將雨及霽守禮必先言之已而皆驗岐薛諸王言於上
曰邠兄有術上問其故對曰臣無術則天時以章懷之

故幽閉宮中十餘年

守禮幽閉事見二百卷武后天授元年

歲賜敕杖者

數四背癥甚厚將雨則

周

癥蒲官翻沈持林翻

將霽則輕爽臣

以此知之耳因流涕霑襟上亦

為子偽翻

辛酉

上還宮

辛未太尉寧王憲薨上哀惋特甚曰天下兄

之天下也兄固讓於我

事見二百十卷睿宗景雲元年惋烏貫翻

為唐太伯

常名不足以處之

處昌呂翻

乃謚曰讓皇帝其子汝陽王璿

璿資辛翻

上表追述先志謙冲不敢當帝號上不許斂日

斂力

翻內出服

天子之服也

以手書致於靈座書稱隆基白又名

其墓曰惠陵

惠陵在同州奉先縣西北十里

追謚其妃元氏曰恭皇后

祔葬焉

十二月乙巳吐蕃屠達化縣

達化古澆河之地後周置達化

郡及縣隋廢郡以縣屬廓州縣西百二十里有澆河城

陷石堡城蓋嘉運不能禦

如裴耀言



資治通鑑卷二百一十四



總校官庶吉士臣侍朝

校對官檢討臣龔大萬

謄錄監生臣朱懷玉

欽定四庫全書薈要

史部

資治通鑑卷二百十五

詳校官編修臣汪鏞



資治通鑑卷二百一十五 宋 司馬光 撰

胡三省 音註

唐紀三十一

一起玄默敦牂盡疆圉大淵
獻十一月凡五年有奇

玄宗至道大聖大明孝皇帝中之下

天寶元年春正月丁未朔上御勤政樓

帝於興慶宮西
南隅建二樓花

萼相輝樓在西臨街以燕兄弟
勤政務本樓在南以修政事

受朝賀

朝直
送翻

赦天下改

元 壬子分平盧別為節度以安祿山為節度使

使疏
吏翻

下是時天下聲教所被之州三百二十一

被皮義翻考異曰舊紀

云三百六十二按地理志開元二十八年州府三百二

十八至此纔二年不應遽增三十餘州今從唐厯會要

統紀羈縻之州八百置十節度經略使以備邊安西節度

撫寧西域統龜茲焉耆于闐疏勒四鎮治龜茲城兵二

萬四千焉耆治所在安西府東八百里于闐在南二千

里疎勒在西二十餘里龜茲音丘慈又音屈佳

又闐徒賢翻北庭節度防制突騎施堅昆統瀚海天山伊

吾三軍屯伊西二州之境治北庭都護府兵二萬人突

騎施牙帳在北庭府西北三千餘里堅昆在北七千里瀚

海軍在北庭府城內兵萬二千人天山軍在西州城內

兵五千
人伊吾軍在伊州西北三百里
甘露川兵三千人騎奇寄翻
河西節度斷隔吐蕃

突厥

斷丁管翻吐從賊入聲厥九勿翻

統赤水大斗建康寧寇玉門墨

離豆盧新泉八軍張掖交城白亭三守捉屯涼肅瓜沙

會五州之境治涼州戶二萬三千人

赤水軍在涼州城內兵三萬三千人

大斗軍在涼州西二百餘里

肅二州界兵七千五百

人建康軍在涼州西百二里兵五千三百人寧寇軍在

涼州東北千餘里兵八千五百人玉門軍在肅州西二

百里管兵五千二百人墨離軍本月氏國在瓜州西北

十里管兵五千人豆盧軍在沙州城內管兵四千三百

人新泉軍在會州西北二百里管兵千人張掖守捉在

涼州南二百里管兵五百人交城守捉在涼州西二百

里管兵千人白亭守捉在涼州西北五百里管兵十七

百人唐制大曰軍小曰守捉趙珣聚米圖經自甘州西至肅州五百里自肅州西至瓜州四百五十里自瓜州西至沙州二百八十里自沙州西至伊州四百里會州東至鹽州八百里西至涼州六百里南至宋鎮戎軍一百四十里北至朔方節度捍禦突厥統經略豐安定遠靈州六百里

三軍三受降城安北單于二都護府屯靈夏豐三州之

境治靈州兵六萬四千七百人

經略軍在靈州城內兵二萬七百人豐安軍在

靈州西黃河外百八十里兵八千人定遠軍在靈州東北二百里黃河外兵七千人西受降城在豐州北黃河北八十里兵七千人安北都護府治中受降城黃河北岸兵六千人東受降城在勝州東北二百里兵七千人振武軍在單于都護府城內兵九千人降戶江翻單音蟬夏戶雅翻

河東節度與朔方特

角以禦突厥統天兵大同橫野岢嵐四軍雲中守捉屯

太原府忻代嵐三州之境治太原府兵五萬五千人

天兵

軍在太原城內兵三萬人大同軍在代州北三百里兵
九千五百人橫野軍在蔚州東北一百四十里兵三千
人岢嵐軍在嵐州北百里兵一千人雲中守捉在單于
府西北二百七十里兵七十七百人忻州在太原府北

百八十里兵七十八百人代州至太原五百里兵四千人
嵐州在太原府西北二百五十里兵三千人岢嵐

嵐盧范陽節度臨制奚契丹統經略威武清夷靜塞恒
含翻

陽北平高陽唐興橫海九軍屯幽薊媯檀易恒定漠滄

九州之境治幽州兵九萬一千四百人

經略軍在幽州城內兵三萬人

威武軍在檀州城內兵萬人清夷軍在媯州城內兵萬人靜塞軍在薊州城內兵萬六千人恒陽軍在恒州城東兵三千五百人北平軍在定州城西兵六千人高陽軍在易州城內兵六千人唐興軍在漠州城內兵六千人橫海軍在滄州城內兵六千人景雲元年以羸州鄭縣置鄭州開元十三年以鄭字類鄭字改為漠州尋又改莫州契欺訖音又音喫恒平盧節度鎮撫室韋靺鞨戶登翻音計媽居為翻

統平盧盧龍二軍榆關守捉安東都護府屯營平二州之境治營州兵三萬七千五百人

平盧軍在營州城內兵萬六千人盧龍軍

在平州城內兵萬人榆關守捉在營州城西四百八十里兵三千人安東都護府在營州東三百里兵八千五百人靺鞨音末曷榆當作渝注詳見上卷隴右節度備禦吐蕃統臨洮河源

白水安人振威威戎漠門寧塞積石鎮西十軍綏和合

川平夷三守捉屯鄯廓洮河之境治鄯州兵七萬五千

人臨洮軍在鄯州城內兵萬五千人河源軍在鄯州西

里兵四千人安人在鄯州界星宿川西兵萬人振威

軍在鄯州西三百里威戎軍在鄯州西北三百

五十里兵千人漠門軍在州城內兵五千五百人寧

塞軍在廓州城內兵五百人石軍在廓州西百八十

里兵七千人鎮西軍在河州城內兵萬一千人綏和守

捉在鄯州西南二百五十里兵千人合川守捉在鄯州

南百八十里兵千人平夷守捉在河州西南四

十里兵三千人洮土刀翻鄯時戰翻又音善 劔南節

度西抗吐蕃南撫蠻獠統天寶平戎昆明寧遠澄川南

江六軍屯益翼茂當雋柘松維恭雅黎姚悉十三州之

境治益州兵三萬九百人

團結營在成都府城內兵萬四千人天寶軍在恭州東南

九十里兵千人平戎軍在恭州南八十里兵千人昆明軍在雋州南兵五千一百人寧遠軍在雋州西兵三百人登川守捉在姚州東六百里管兵二千人南江軍兵三百人翼州兵五百人茂州兵三百人維州兵五百人柘州兵五百人松州兵二千八百人當州兵五百人雅州兵四百人黎州兵千人姚州兵三百人悉州兵五百人杜佑曰當州江源郡在翼州西二百七十里西北到故通執縣二百里以西即是生羌悉州在當州南八十里黎州漢沉黎郡也東去一里高山萬重更無郡縣西南去郡一里高山萬重東北去郡五里西北去郡二里皆高山萬重茂州劉昫曰隋汶山郡武德元年改曰會州貞觀八年改曰茂州以郡界茂濕山爲名松州東至

茂州三百里西南至當州三百里西北至吐蕃界九十里南至翼州一百八十里恭州開元二十四年分靜州廣平縣置東至柘州一百里悉州西北至當州八十里獠魯皓翻舊音隨嶺南五府經略綏

靜夷獠統經略青海二軍桂容邕交四營治廣州兵萬

五千四百人

經略軍在廣州城內兵五千四百人青海軍在恩州城內兵二千人桂府兵千人容

府兵十一百人邕府兵十七百人安南府兵此外又有長兵四千二百人已上兵輕稅本鎮以自給

樂經略福州領之

樂音洛

兵千五百人東萊守捉萊州領

之東牟守捉登州領之兵各千人凡鎮兵四十九萬人

捉仄角翻

考異曰此兵數唐歷所載也舊紀是歲天

下健兒團結驍騎等總五十七萬四千七百三十三此

蓋止言邊兵彼并京馬八萬餘匹匹安西府馬二千七百

歲諸州驍騎數之耳

馬八萬餘匹

匹北庭瀚海軍馬四

千二百匹天山軍馬五百匹伊吾軍馬三百匹河西赤

水軍馬萬三千匹大斗軍馬四千四百匹建康軍馬五

百匹寧冠玉門軍共管馬六百匹墨離軍馬四百匹豆

盧軍馬四百匹朔方經略軍馬三千匹豐安軍馬千三

百匹定遠軍馬三千匹西受降城馬千七百匹中受降

城馬二千匹東受降城馬千七百匹振武軍馬千六百

匹河東天兵軍馬五千五百匹雲中守捉馬二千匹大

同軍馬五千五百匹橫野軍馬千八百匹范陽經略軍

馬五千四百匹威武軍馬三百匹清夷軍馬三百匹靜

塞軍馬五百匹平盧軍馬四千二百匹盧龍軍馬五百

匹渝閑守捉馬百匹安東府馬七百匹隴右臨洮軍馬

八千匹河源軍馬六百五十匹白水軍馬五百匹安人

軍馬三百五十匹威武軍馬五十匹漠門軍馬二百匹

寧塞軍馬五十匹積石軍馬三百匹劔南團結營馬千

八百匹昆明開元之前每歲造兵衣糧費不過二百

萬天寶之後邊將奏益兵浸多每歲用衣千二十萬足

糧百九十萬斛

安西衣賜六十二萬足段北庭衣賜四十八萬足段河西衣賜百八十萬足段

朔方衣賜二百萬足段河東衣賜百二十六萬足段糧五十萬石范陽衣賜八十萬足段糧五十萬石平盧失衣糧數隴右衣賜二百五十萬足段劍南公私勞費民衣賜八十萬足段糧七十萬石將即亮翻

始困苦矣

甲寅陳王府參軍田同秀

皇子陳王珪府參軍也

上

言見玄元皇帝於丹鳳門之空中告以我藏靈符在尹

喜故宅

上時掌翻下上表同

上遣使於故函谷關尹喜臺旁求得

之列仙傳曰閔令尹喜者周大夫也老子西游喜先見其氣候物色而迹之果得老子老子亦知其旨為著

道德經使疏吏翻

陝州刺史李齊物穿三門運渠辛未渠成

新書曰齊物鑿砥柱為門以通漕開其山巔為輓路沃醢而鑿之然棄石入河水益湍怒舟不能入新門候水漲以人輓舟而上天子疑之遣宦者按齊物神通之曾視齊物厚輅宦者還言其便陝失冉翻

孫也

淮安王神通

壬辰羣臣上表以函谷靈符潛應年號

先天不違

易曰先天而天不違先天慈薦翻

請於尊號加天寶字從之

二月辛卯上享玄元皇帝於新廟

時置玄元廟於大寧坊西南角

甲午

享太廟丙申合祀天地於南郊赦天下改侍中為左相

中書令為右相尚書左右丞相復為僕射

開元初改左右僕射為尚

書左右丞相復執又翻下清復同

東都北都皆為京州為郡刺史為太

守改桃林縣曰靈寶

隋開皇十六年置桃林縣取古者桃林之野以為縣名屬洛州唐屬

陝州今以得玄元靈符改曰靈寶守式又翻

田同秀除朝散大夫

朝直遥翻散忠宣翻

時人皆疑寶符同秀所為間一歲清河人崔以清復言

見玄元皇帝於天津橋北云藏符在武城紫微山

武城即漢

之東武城縣與清河縣皆屬清河郡

敕使往求亦得之東都留守王儼知

其詐按問果首服

使疏吏翻守式又翻下太

奏之上亦

不深罪流之而已 三月以長安令韋堅為陝郡太守

陝郡陝州領江淮租庸轉運使先天中李傑為陝州刺史領水陸發運使置使

陝失冉翻自傑始也裴耀卿之後命堅始以租庸使入銜使疏吏翻下同初宇文融既敗言利者

稍息事見二百十三卷開元十八年及楊慎矜得幸事始二百十三卷二十一年於

是韋堅王鉷之徒鉷戶公競以利進百司有利權者稍稍

別置使以領之舊官充位而已史言諸使所由始堅太子之妃

兄也為吏以幹敏稱上使之督江淮租運歲增巨萬上

以為能故擢任之王鉷方翼之曾孫也自高宗至武后朝王方翼著功

名於西域亦以善治租賦為戶部員外郎兼侍御史

治直之翻

李林甫為相凡才望功業出已右及為上所厚勢位將

逼已者必百計去之

去羌呂翻

尤忌文學之士或陽與之善

啗以甘言而陰陷之世謂李林甫口有蜜

謂其言甘也啗徒濫翻又

徒覽翻

腹有劍

謂其心在害人也

上嘗陳樂於勤政樓垂簾觀之

兵部侍郎盧絢謂上已起垂鞭按轡橫過樓下絢風標

清粹上目送之深歎其蘊藉

絢詐縣翻蘊於運翻

林甫常厚以金

帛賂上左右上舉動必知之乃召絢子弟謂曰尊君素

望清崇今交廣藉才聖上欲以尊君為之可乎若憚遠

行則當左遷不然則以賓唐分務東洛

謂以太子賓客唐事分司東都

也亦優賢之命也何如絢懼以賓唐為請林甫恐乖衆

望乃除華州刺史

華戶化翻

到官未幾誣其有疾州事不理

除詹事員外同正

幾居豈翻

上又嘗問林甫以嚴挺之今安

在是人亦可用挺之時為絳州刺史林甫退召挺之弟

損之謝以上待尊兄意甚厚蓋為見上之策奏稱風疾

求還京師就醫挺之從之林甫以其奏白上云挺之衰

老得風疾宜且授以散秩使便醫藥上歎吒久之

散志
宣翻

吒陟
駕翻

夏四月壬寅以為詹事又以汴州刺史河南采訪

使齊澣為少詹事

唐少詹事正四品上
汴皮變翻使疏吏翻

皆員外同正於

東京養疾澣亦朝廷宿望故并忌之

上發兵納十姓

可汗阿史那昕於突騎施至俱蘭城

俱蘭國所都城也
俱蘭或曰俱羅弩

或曰屈浪弩與吐火羅接可從刊入聲汗音寒騎

奇寄翻 考異曰會要作俱南城胡語不明耳

為莫

賀達干所殺突騎施大燾官都摩度來降

燾徒到翻
降戶江翻

六

月乙未冊都摩度為三姓葉護

秋七月癸卯朔日有

食之 辛未左相牛仙客薨八月丁丑以刑部尚書李

適之為左相 突厥拔悉密回紇葛邏祿三部共攻骨

咄葉護殺之推拔悉密酋長為頡跌伊施可汗回紇葛

邏祿自為左右葉護

厥九勿翻紇下沒翻邏郎佐翻咄當沒翻酋慈由翻頡奚結翻跌徒

結翻突厥餘衆共立判闕特勒之子為烏蘇米施可汗以

其子葛臘哆為西殺

哆昌者翻突厥以其親屬分掌東西兵號左右殺亦曰東西殺西殺

右殺也

上遣使諭烏蘇令內附烏蘇不從朔方節度使王

忠嗣盛兵磧口以威之

使疏吏翻磧七迹翻考異曰新舊書忠嗣傳皆曰是歲忠嗣

北伐與奚怒皆戰于桑乾河三敗之大虜其衆又曰明年再破怒皆突厥之衆自是塞外晏然按朔方不與奚相接不知所云奚怒皆何也今闕之烏蘇懼請降而遷延不至忠嗣知其

詐乃遣使說拔悉密回紇葛邏祿使攻之烏蘇遁去忠

嗣因出兵擊之取其右廂以歸

擊垂亡之虜猶不肯輕用其兵此王忠嗣所以

為善將也突厥左右殺所部謂之左右廂降戶江翻說輸芮翻紇下沒翻邏郎佐翻

丁亥突厥西

葉護阿布思及西殺葛臘哆默啜之孫勃德支伊然小

妻毗伽登利之女帥部衆千餘帳相次來降

意此皆突厥右廂之

衆也吸陟劣翻伽求迦翻帥讀曰率考異曰實錄舊紀皆云突厥阿布思之孫登利可汗之女與其黨屬來

降唐厯云烏蘇米施可汗遁逃其西葉護阿布思及毗伽可汗可殺男西殺葛臘哆率其部千餘帳來降葛王忠嗣傳云三部落攻米施可汗走之忠嗣因出兵伐之取其右廂而歸其西葉護及毗伽可殺男葛臘哆率其部落千餘帳入朝突厥傳云西殺妻子及默哆之孫勃德支特勒毗伽可汗女大洛公主伊然可汗小妻余塞匐登利可汗女余燭公主及阿布思頡利發等並帥其部衆相次來降今參取用之突厥遂徵九

月辛亥上御花萼樓宴突厥降者

考異曰本紀作辛卯按長厯是月己卯

朔無辛卯唐厯云九日辛卯亦誤也

賞賜甚厚

護密先附吐蕃戊午其

王頡吉里匐遣使請降

頡奚結翻匐訛翻

冬十月丁酉上幸

驪山溫泉已已還宮

十二月隴右節度使皇甫惟明

奏破吐蕃大嶺等軍戊戌又奏破青海道莽布支營三萬餘衆斬獲五千餘級庚子河西節度使王倕奏破吐蕃漁海及遊奕等軍

史言明皇喜邊功故邊帥告捷者相繼倕音垂

是歲天

下縣一千五百二十八鄉一萬六千八百二十九戶八百五十二萬五千七百六十三口四千八百九十萬九千八百

回紇葉護骨力裴羅遣使入貢

考異曰舊傳云天寶初

其酋長葉護頡利吐發遣使入朝封奉義王唐厯天寶三載突厥拔悉密可汗又為回紇葛邏祿等部落殺之立回紇為主是為骨咄祿毗伽闕可汗遣使立為奉義王又加懷仁可汗新突厥傳云回紇葛邏祿殺拔悉

密可汗奉回紇骨力裴羅定其國是為骨咄祿毗伽闕
可汗按奉義王懷仁可汗是一人而新突厥回紇傳其
名不同然新傳自吐迷度賜爵奉義王明末冊為
以來世系皆可譜今從之

二年春正月安祿山入朝

朝直
遙翻

上寵待甚厚謁見無時

見賢
遍翻

祿山奏言去年營州蟲食苗臣焚香祝天云臣若

操心不正事君不忠願使蟲食臣心若不負神祇願使

蟲散即有羣鳥從北來食蟲立盡請宣付史官從之

操
干

高
翻

李林甫領吏部尚書日在政府

政府謂
政事堂

選事悉委

侍郎宋遙苗晉卿御史中丞張倚新得幸於上遙晉卿

欲附之時選人集者以萬計

選須胡翹

入等者六十四人倚

子奭為之首羣議沸騰前薊令蘇孝韞以告安祿山

薊縣

帶幽州涿郡時改涿郡為范陽郡薊音計

祿山入言於上上悉召入等人面

試之奭手持試紙終日不成一字時人謂之曳白癸亥

遥貶武當太守晉卿貶安康太守倚貶淮陽太守

武當郡均

州安康郡金州本西城郡元年更郡名淮陽郡陳州舊志金州京師南七百三十七里陳州一千五百二十里

同考判官禮部郎中裴肱等皆貶嶺南官晉卿壺關人

也壺關縣自漢以來屬上黨郡而唐上黨縣乃漢壺關縣隋分置上黨縣帶郡唐武德四年分隋之上黨縣

置壺關縣治高望堡貞觀十七年移治進流川肚敷尾翻

三月壬子追尊玄元皇

帝父周上御大夫為先天太皇又尊臯繇為德明皇帝

涼武昭王為興聖皇帝

唐虞之世臯陶為理唐以為李氏得姓之始故追尊為德明皇

帝涼武昭王高祖之七世祖建國於瓜沙李氏由是而興故尊為興聖皇帝繇余招翻

江淮南

租庸等使韋堅引漕水抵苑東望春樓下為渾

苑禁苑也渾在

長安城東九里漕音產

以聚江淮運船役夫匠通漕渠發人丘龍

自江淮至京城民間蕭然愁怨二年而成丙寅上幸望

春樓觀新渾堅以新船數百艘扁榜郡名各陳郡中珍

貨於船背陝尉崔成甫著錦半臂缺胯綠衫以賜之

蘇般

遭翻扁補典翻陝失冉翻著陟略翻胯苦瓦翻陽先擊翻袒衣也

紅栢首

栢莫白翻栢首今人謂之

抹

居前船唱得寶歌

先是民間唱哩歌曰得體統那邪其後得寶符于桃林成甫乃更統

體歌為得寶弘農野歌曰得寶弘農野弘農得寶耶渾裏舟船聞揚州銅器多三郎當殿坐聽唱得寶歌其哩

又甚使美婦百人盛飾而和之

和戶

連櫓數里堅跪進

諸郡輕貨仍上百牙盤食

程大昌演繁露曰唐少府監御饌器用九釘食以牙盤九

枚裝食味於上置上前亦謂之看食仍上時掌翻

上置宴竟日而罷觀者山積

夏四月加堅左散騎常侍

最悲重翻騎奇寄翻

其僚屬吏卒褒賞

有差名其潭曰廣運時京兆尹韓朝宗亦引渭水置潭

於西街以貯材木

朝直遙翻
貯丁呂翻

丁亥皇甫惟明引軍出

西平

西平郡
即鄯州

擊吐蕃行千餘里攻洪濟城破之

杜佑曰
鄯州達

化縣有洪濟鎮周武帝遂吐谷渾所築在縣西二百七

十里長慶中劉元鼎為盟會使言河之上流由洪濟西

行二千里水益狹冬春可涉夏秋乃勝舟其南三百里

三山中高四下曰歷山直大羊同國古所謂昆侖者也

虜曰悶摩黎山東距長安五千里河源其間流澄緩下

稍合衆流色赤行益遠他水并注則濁河源東北直莫

賀延磧尾隱測其地蓋在劍南之西此劉

元鼎因洪濟城而上叙河源附見于此

上以右贊

善大夫楊慎矜

龍朔二年改太子中允為贊善大夫咸亨元年復置中允而贊善大夫不廢後

又分左右各置五員班左右諭德下諭德掌
諭太子以道德贊善掌翊贊太子以規諷

知御史中

丞事時李林甫專權公卿之進有不出其門者必以罪

去之

去羌呂翻

慎矜由是固辭不敢受五月辛丑以慎矜為

諫議大夫

冬十月戊寅上幸驪山溫泉乙卯還宮

戊寅

至乙卯三十八日史言帝耽樂而忘返驪力知翻還從
宣翻又音如字 考異曰舊紀十月戊寅幸溫泉宮十

一月乙卯還宮與實錄同十二月戊申又幸溫泉宮丙
辰還宮實錄無按十二月丙寅朔無戊申丙辰唐歷十

一月戊申幸溫泉宮丙辰還京
又與實錄本紀不同今皆不取

三載春正月丙申朔改年曰載

載子亥翻

辛丑上幸驪山

溫泉二月庚午還宮

往還亦幾三旬

辛卯太子更名亨

更工衡翻

海賊吳令光等抄掠台明

明州漢句章鄞縣之地屬會稽郡開元二十六年來訪使

齊濟奏以越州之鄞縣置明州以境內有四明山因名抄楚交翻

命河南尹裴敦復將

兵討之

將即亮翻

三月己巳以平盧節度使安祿山兼范

陽節度使以范陽節度使裴寬為戶部尚書

使疏吏翻尚辰羊翻

禮部尚書席建侯為河北黜陟使稱祿山公直李林甫

裴寬皆順旨稱其美三人皆上所信任由是祿山之寵

益固不搖矣夏四月裴敦復破吳令光擒之五月

河西節度使夫蒙靈訔討突騎施莫賀達干斬之

按元和姓

纂云夫蒙本西羌姓後秦有建威將軍夫蒙羌今蒲同二州多此姓或改姓馬氏按考異曰會要作馬靈訔今

從實更請立黑姓伊里底蜜施骨咄祿毗伽咄當沒翻

考異曰會要作伊地米里骨咄祿毗伽今從實錄

六月甲辰冊拜骨咄祿毗

伽為十姓可汗可從刊入聲汗音寒

秋八月拔悉蜜攻斬突厥

烏蘇可汗傳首京師國人立其弟鶻隴匐白晷特勒是

為白晷可汗於是突厥大亂敕朔方節度使王忠嗣出

兵乘之至薩河內山嚴九勿翻嗣祥破其左廂阿波達

干等十一部右廂未下會回紇葛邏祿共攻拔悉蜜頡
跌伊施可汗殺之回紇骨力裴羅自立為骨咄祿毗伽
闕可汗遣使言狀上冊拜裴羅為懷仁可汗於是懷仁
南據突厥故地立牙帳於烏德犍山

回紇牙帳東有平野西據烏德犍山

南依噁昆水犍居言翻

舊統藥邏葛等九姓其後又并拔悉蜜葛

邏祿凡十一部各置都督每戰則以二客部為先 李

林甫以楊慎矜屈附於已九月甲戌復以慎矜為御史

中丞克諸道鑄錢使

復扶又翻又如字

冬十月癸巳上幸驪

山溫泉十一月丁卯還宮

術士蘇嘉慶上言遯甲術

有九宮貴神

見九宮貴神蓋易乾鑿度所謂太一也注已見五十二卷漢順帝陽嘉三年時置九宮

貴神壇其壇三成成三尺四階其上依位置九壇壇尺

五寸東南曰招搖正東曰軒轅東北曰太陰正南曰天

一中央曰天符正北曰太一西南曰攝提正西曰咸池

西北曰青龍五為中戴九履一左三右七二四為上六

、為下符於遁甲仍編於勅曰九宮貴神實司水旱功

佐上帝德底下人又黃帝九宮經一宮其神太一其星

天蓬其卦坎其行水其方白二宮其神攝提其星天內

其卦坤其行土其方黑三宮其神軒轅其星天衝其卦

震其行木其方碧四宮其神招搖其星天輔其卦巽其

行木其方綠五宮其神天符其星天禽其卦離其行土

其方黃六宮其神青龍其星天心其卦乾其行金其方

白七宮其神咸池其星天柱其卦兌其行金其方赤八

宮其神

宮其神太陰其星天任其卦艮其行土其方白九宮其
神天一其星天英其卦離其行火其方紫上時掌翻

典司水旱請立壇於東郊祀以四孟月從之禮在舊天上

帝下太清宮太廟上所用牲玉皆侔天地 十二月癸

巳置會昌縣於溫泉宮下

時分新豐萬年置會昌縣雍錄溫泉在臨潼縣南一百五

十步在驪山西北十道志曰泉有三所其一處即皇堂

石井後周宇文護所造隋文帝又修屋宇種松柏千餘

株唐貞觀十八年詔闕立德營建宮殿御湯名湯泉宮

咸亨三年名溫泉宮元和志則曰開元十一年置溫泉

宮天寶六載改為華清宮於驪山上並治湯井為池臺

殿環列山谷自開元來每歲十月臨幸歲盡乃歸以新

豐縣去泉稍遠即於湯所置會昌縣又置百司及公卿

郊第焉臨潼縣唐之新豐慶山皆其地也按通鑑開元

十一年書作溫泉宮與元和志合

戶部尚書裴寬素為上所重李林

甫恐其入相忌之

相息亮翻

刑部尚書裴敦復擊海賊還受

請託廣序軍功寬微奏其事林甫以告敦復敦復言寬

亦嘗以親故屬敦復

屬之欲翻

林甫曰君速奏之勿後於人

敦復乃以五百金賂女官楊太真之姊使言於上甲午

寬坐貶睢陽太守

睢陽郡宋州本梁郡天寶元年更郡名

睢音雖初武惠妃薨

開元二十五年惠妃薨

上悼念不已後宮數千無當意者或言壽

王妃楊氏之美絕世無雙上見而悅之乃令妃自以其

意乞為女官號太真更為壽王娶左衛郎將韋昭訓女

更工衡翻
將即亮翻

潛內太真宮中太真肌態豐艷曉音律性警

穎善承迎上意不替歲寵遇如惠妃宮中號曰娘子凡

儀體皆如皇后 癸卯以宗女為和義公主嫁寧遠奉

化王阿悉爛達干

帝以拔汗那助平吐火仙冊其
王為奉化王改其國曰寧遠

癸

丑上祀九宮貴神赦天下 初令百姓十八為中二十

三成丁 初上自東都還李林甫知上厭巡幸乃與牛

仙客謀增近道粟賦及和糴以實關中數年蓄積稍豐

上從容謂高力士曰朕不出長安近十年

開元二十四年上自東都

還自是不復東幸從千容翻近其斬翻

天下無事朕欲高居無為悉以政

事委林甫何如對曰天子巡狩古之制也且天下大柄

不可假人彼威勢既成誰敢復議之者上不悅力士頓

首自陳臣狂疾發妄言罪當死上乃為力士置酒

復扶又翻

為于偽翻下為百同

左右皆呼萬歲力士自是不敢深言天下事

矣

力士之不敢言以李林甫機穽可畏也

四載春正月庚午上謂宰相曰朕比以甲子日

比毗至翻於

宮中為壇為百姓祈福朕自草黃素置案上俄飛升天
聞空中語云聖壽延長又朕於嵩山鍊藥成亦置壇上
及夜左右欲收之又聞空中語云藥未須收此自守護
達曙乃收之太子諸王宰相皆上表賀

史言唐之君誕妄而臣諂諛

回紇懷仁可汗擊突厥白眉可汗殺之傳首京師突

厥毗伽可敦帥眾來降

可從刊入聲帥讀曰率降戶江翻

於是北邊晏

然烽燧無警矣回紇斥地愈廣東際室韋西抵金山南

跨大漠盡有突厥故地

史言回紇至此強盛

懷仁卒子磨延啜立

號葛勒可汗二月己酉以朔方節度使王忠嗣兼河東

節度使忠嗣少以勇敢自負

少詩照翻

及鎮方面專以持重

安邊為務常曰太平之將但當撫循訓練士卒而已不

可疲中國之力以邀功名

將即亮翻

有漆弓百五十斤常貯

之橐中以示不用

貯丁呂翻

軍中日夜思戰忠嗣多遣謀人

伺其間隙

謀達協翻伺相吏翻間古覓翻

見可勝然後興師故出必有

功既兼兩道節制自朔方至雲中邊陲數千里

陸音垂

要

害之地悉列置城堡斥地各數百里邊人以為自張仁

亶之後將帥皆不及

張仁愿本名仁亶以睿宗諱旦音近亶避之改名仁愿將即亮翻

所類

三月壬申上以外孫獨孤氏為靜樂公主嫁契丹

翻

王李懷節

樂音洛

甥楊氏為宜芳公主嫁奚王李延寵

宜芳

縣屬嵐州

乙巳以刑部尚書裴敦復克嶺南五府經略等

使五月壬申敦復坐逗留不之官貶淄川太守

淄川郡淄州舊

志淄州京師東北二十一百三十三里守式又翻

以光祿少卿彭杲代之上嘉

敦復平海賊之功故李林甫陷之李適之與李林甫

爭權有隙適之領兵部尚書駙馬張垆為侍郎

垆其林其翻

甫亦惡之

惡鳥路翻

使人發兵部銓曹姦利事收吏六十餘

人付京兆與御史對鞠之數日竟不得其情京兆尹蕭

炆使法曹吉溫鞠之

法曹司法參軍事掌鞠獄麗法知賊賄沒入炆火迴翻

溫入

院置兵部吏於外先於後廳取二重囚訊之或杖或壓

號呼之聲所不忍聞

號戶高翻

皆曰苟存餘生乞紙盡答兵

部吏素聞溫之慘酷引入皆自誣服無敢違溫意者頃

刻而獄成驗囚無榜掠之迹

榜音彭掠音亮

六月辛亥敕誚責

前後知銓侍郎及判南曹郎官而宥之

文宗開成二年宰相李石奏定

長定選格吏部請加置南曹郎中一人別置印以新置南曹之印為文蓋吏部先以郎官判南曹開成間因置南曹郎也宋白曰南曹起於總章二年司列常伯李敬玄奏置未置已前銓中自勘責故事兩轉廳至建中元年侍郎邵說奏挾闕替南曹郎中王綰已後遂不轉廳貞元十一年侍郎杜黃裳請準舊例轉廳後云云同上

誚才笑翻

均均之兄溫頊之弟子也

吉頊進用於武后之朝

溫始為新

豐丞太子文學薛稷薦溫才

唐六典曰魏置太子文學魏武為丞相命司馬宣王

為文學掾甚為世子所信與吳質朱璆陳羣為太子四友自晉之後不置至後周建德三年置太子文學十人後廢唐顯慶中始置太子文學二人屬司經局掌分知經籍侍奉文章總緝經籍繕寫裝染之功筆札給用之數皆料度之

上召見

見賢

顧疑曰是一不良人朕不用

疑魚力反

也蕭炆為河南尹嘗坐事西臺遣溫往按之

西臺西京御史臺也

溫治炆甚急

治直之翻下同

及溫為萬年丞未幾炆為京兆尹

幾居豈翻

溫素與高力士相結力士自禁中歸溫度炆必往

謝官

度徒洛翻

乃先詣力士與之談詭握手甚歡

詭迄卻翻

炆後

至溫陽為驚避力士呼曰吉七不須避

吉溫第七

謂炆曰此

亦吾故人也召還與炆坐炆接之甚恭不敢以前事為

怨它日溫謁炆曰曩者溫不敢隳國家法自今請洗心

事公炆遂與盡歡引為法曹

考異曰唐厯云溫聯按大獄附邪以出入人命者

凡十餘年性巧諛忍而不忌失意眉睫間必引而陷之其欲膠固之雖王公大人立可親也初蕭昺以賊下獄溫深覓其罪後為萬年縣丞昺拜京兆尹溫見昺於高力士第乃與之相結為膠漆之交引為法曹而薦於林甫溫之進也反以昺力舊傳云昺為河南尹有事京臺差溫推詰堅執不捨及溫選昺已為京兆尹一唱萬年尉即就其官人為危及林甫欲除不附已者求治獄吏之今參取二書用之

昺薦溫於林甫林甫得之大喜溫常曰若遇知己南山白額虎不足縛也時又有杭州人羅希奭為吏深刻林甫引之自御史臺主簿再遷殿中侍御史

唐御史臺主簿從七品上

掌印及受事發辰勾檢稽失兼知官廚及黃卷

二人皆隨林甫所欲深淺鍛鍊

成獄無能自脫者時人謂之羅鉗吉網

以鐵劫束物曰鉗其廉翻

秋七月壬午冊韋昭訓女為壽王妃八月壬寅冊楊太

真為貴妃

考異曰統紀八月冊女道士楊氏為貴妃本紀甲辰唐歷甲寅今據實錄壬寅贈太真

妃父玄琰等官甲辰甲寅皆在後恐冊妃在贈官前新本紀亦云八月壬寅立太真為貴妃今從之贈其

父玄琰兵部尚書以其叔父玄珪為光祿卿從兄鉞為

殿中少監錡為駙馬都尉

從才用翻下之從同鉞息庶翻錡渠錡翻又魚綺翻又音

奇癸卯冊武惠妃女為太華公主命錡尚之

考異曰實錄舊傳

皆以鉞錡為再從兄國忠為從祖兄然則從祖亦再從也推恩之時何以及鉞錡而不及國忠新傳謂之宗兄

唐厯以鈺為玄琬之子借使非子比於國忠必應稍及
親今但謂之從兄舊傳云鈺為侍御史今從實錄

貴妃三姊皆賜第京師寵貴赫然楊釗貴妃之從祖兄

也不學無行

釗音昭行
下孟翻

為宗黨所鄙從軍於蜀得新都

尉考滿家貧不能自歸新政富民鮮于仲通常資給之

新都縣漢屬廣漢郡梁置始康郡西魏廢郡隋開皇十
八年改新都曰興樂尋廢縣唐初復置屬蜀郡武德四
年分南部相如二縣置新城縣尋避
隱太子名改曰新政時屬閬中郡楊玄琰卒於蜀

卒子

恤翻釗往來其家遂與其中女通

中讀
日仲

鮮于仲通名向以

字行頗讀書有材智釗南節度使章仇兼瓊引為來訪

支使

考異曰唐厯云為節度巡官按顏真卿所作仲通碑見存云為米訪支使今從之唐米訪節度

等使幕屬有判官有支使有掌書記推官巡官衙推等宋朝始定制書記支使不得並置有出身者為書記無出身者為支使委以心腹嘗從容謂仲通曰今吾獨為上所厚

苟無內援必為李林甫所危聞楊妃新得幸人未敢附之予能為我至長安與其家相結吾無患矣仲通曰仲通蜀人未嘗遊上國恐敗公事今為公更求得一人因

言釗本末兼瓊引見釗儀觀豐偉言辭敏給

從千容翻為于偽翻

敗補邁翻觀古玩翻

兼瓊大喜即辟為推官往來浸親密乃使人

獻春綵於京師將別謂曰有少物在郾

少詩沼翻郾縣自漢以來屬蜀

郡九域志郾縣在成都府西四十五里師古曰郾音疲

以具一日之糧予過可取

之釧至郾兼瓊使親信太齋蜀貨精美者遺之

遺于季翻可

直萬緡釧大喜過望晝夜兼行至長安歷抵諸妹以蜀

貨遺之曰此章仇公所贈也時中女新寡釧遂館於其

室中分蜀貨以與之於是諸楊日夜譽兼瓊且言釧善

樗蒲引之見上

館古玩翻譽音余見賢遍翻

得隨供奉官出入禁中

唐制中書門下省官皆供奉官也外官得隨朝士入見者謂之仗內供奉隨翰林院官班者謂之翰林供奉宦

官謂之內供奉又有朝士供奉禁中者改金吾兵曹參軍九月癸未以

陝郡太守江淮租庸轉運使韋堅為刑部尚書罷其諸

使以御史中丞楊慎矜代之

陝失冉翻使疏吏翻異曰舊食貨志三載以楊

考

劉為水陸運使堅妻姜氏皎之女林甫之舅子也故林

誤也今從實錄

甫昵之

昵尼質翻

及堅以通漕有寵於上遂有入相之志

息相

亮翻

又與李適之善林甫由是惡之

惡烏路翻

故遷以美官實

奪之權也

安祿山欲以邊功市寵數侵掠奚契丹奚

契丹各殺公主以叛

數所角翻下欲數數徵同所殺者蓋即靜樂宜芳也

祿山討

破之隴右節度使皇甫惟明與吐蕃戰于石堡城為

虜所敗副將褚誚戰死

敗補邁翻誚直庶翻

考異

冬十月甲午安祿山奏臣討契丹至北平郡

北平郡平州

夢

先朝名將李靖李勣從臣求食

朝直遙翻將即亮翻下同

遂命立廟

又奏薦冀之日廟梁產芝

通鑑不語怪而書安祿山飛鳥食蝗廟梁產芝之事以著

祿山之欺罔明皇之昏蔽

丁酉上幸驪山溫泉

上以戶部郎中

王鉞為戶口色役使敕賜百姓復除

鉞戶公翻使疏

鉞

奏徵其輦運之費廣張錢數又使市本郡輕貨百姓所

輸乃甚於不復除舊制戍邊者免其租庸六歲而更

工更

衡翻

時邊將恥敗士卒死者皆不申牒貫籍不除

貫籍本貫之籍

也

王鉞志在聚斂

斂力

贍翻

以有籍無人者皆為避課按籍

戍邊六歲之外悉徵其租庸有併徵三十年者民無所

訴上在位久用度日侈後宮賞賜無節不欲數於左右

歲取之

唐有左藏右藏歲徂浪翻

鉞探知上指歲貢額外錢百億萬

貯於內庫以供宮中宴賜曰此皆不出於租庸調無預

經費

貯丁呂翻調徒弔翻

上以鉞為能富國益厚遇之鉞務為割

剝以求媚中外嗟然丙子以鉅為御史中丞京畿米訪

使楊釗侍宴禁中專掌樗蒲文簿鉤校精密上賞其彊

明日好度支郎

唐度支郎掌判天下租賦多少之數物產豐約之宜水陸道塗之利每歲計其

所出而度其所用轉運徵斂送納皆準程而節其遲速凡和糴和市皆量其貴賤均天下之貨以利於人凡金銀寶貨綾羅之屬皆折庸調以造凡天下舟車水陸載運皆具為脚直輕重貴賤平易險澁而為之制凡天下邊軍有支度使以計軍資糧仗之用每歲所費皆申度支會計以長行旨為準度徒洛翻

此言於上

徵讀證

又以屬王鉷鉷因奏充判官

屬之欲翻

十

二月戊戌上還宮

還自溫泉宮還從宣翻又音如字

五載春正月乙丑以隴右節度使皇甫惟明兼河西節度使李適之性疎率李林甫嘗謂適之曰華山有金礦

華戶化翻西山經曰太華之山削成而四方其高五千仞其廣十里礦古猛翻

采之可以富國

主上未之知也它日適之因奏事言之上以問林甫對

曰臣久知之但華山陛下本命王氣所在

帝製華獄碑曰予小子之

生也歲景戌月仲秋膺少皞之盛德協太華之本命故常寤寐靈嶽肸響神文林甫知此旨故以誤適之而陷之王于鑿之非宜故不敢言上以林甫為愛已薄適之

况翻

慮事不熟謂曰自今奏事宜先與林甫議之無得輕脫

適之由是束手矣適之既失恩韋堅失權益相親密林

甫愈惡之

惡烏路翻

初太子之立非林甫意

事見二百十卷開元二十六年

林甫恐異日為己禍常有動搖東宮之志而堅又太

之妃兄也皇甫惟明嘗為忠王友

見二百十三卷開元十八年

時破

吐蕃入獻捷見林甫專權意頗不平時因見上乘間微

勸上去林甫

吐從賊入聲因見賢通翻問古覓翻去羌呂翻

林甫知之使楊慎

矜密伺其所為

伺相史翻

會正月望夜太子出遊與堅相見

堅又與惟明會於景龍觀道士之室

景龍觀在長安城中崇仁坊申公高

士廩宅西北左金吾衛神龍元年併為長寧公主宅韋庶人敗後遂立為觀仍以中宗年號為名觀占阮翻

慎矜發其事以為堅戚里不應與邊將狎暱林甫因奏

堅與惟明結謀欲共立太子堅惟明下獄將即亮翻暱尤質翻下遐

嫁林甫使慎矜與御史中丞王鉷京兆府法曹吉溫共

鞠之考異曰舊林甫傳云林甫潛令慎矜伺堅隙奏上慎矜傳云鉷推堅慎矜引身中立以候望鉷恨

之林甫亦憾焉二傳自相矛盾今從唐歷上亦疑堅與惟明有謀而不顯其

罪癸酉下制責堅以干進不已貶縉雲太守縉雲郡本括州永嘉

郡元年更郡名考異曰舊紀惟明以離間君臣問古

貶播川太守

播川郡

仍別下制戒百官

以王忠嗣為

河西隴右節度使兼知朔方河東節度事忠嗣始在朔

方河東每互市高估馬價諸胡聞之爭賣馬於唐忠嗣

皆買之由是胡馬少

少詩
洛翻

唐兵益壯及徙隴右河西復

請分朔方河東馬九千匹以實之

復扶
又翻

其軍亦壯忠嗣

仗四節控制萬里天下勁兵重鎮皆在掌握與吐蕃戰

於青海積石皆大捷又討吐谷渾於墨離軍虜其全部

而歸

吐從嫩入
聲谷音浴

夏四月癸未立奚酋娑固為昭信王

契丹酋楷洛為恭仁王

酋慈由翻
梁秦禾翻

已亥制自今四孟

月皆擇吉日祀天地九宮 韋堅等既貶左相李適之

懼自求散地

散志
但翻

庚寅以適之為太子少保罷政事其

子衛尉少卿雲嘗盛饌召客

雲文甲翻饌攤
皖翻又維總翻

客畏李林

甫竟日無一人敢往者 以門下侍郎崇玄館大學士

陳希烈同平章事

後魏置崇玄署掌僧尼道士女冠
崇玄署隸鴻臚唐置諸寺觀監隸

鴻臚每寺觀有監一人貞觀中廢寺觀監上元二年置

漆園監尋廢開元二十五年置崇玄學於玄元皇帝廟
天寶元年兩京置博士助教各一員二載改崇玄學曰
崇玄館博士曰學士助教曰直學士置大學士以宰相

為之領兩京玄元宮及道院希烈宋州人以講老莊得進專用神仙

符瑞取媚於上李林甫以希烈為上所愛且柔佞易制

易翻故引以為相凡政事一決於林甫希烈但給唯諾

唯翻故事宰相午後六刻乃出林甫奏今太平無事已

時即還第軍國機務皆決於私家主書抱成案詣希烈

書名而已五月壬子朔日有食之乙亥以劒南節

度使章仇兼瓊為戶部尚書諸楊引之也秋七月丙

辰敕流貶人多在道逗留自今左降官日馳十驛以上

上時掌反是後流貶者多不全矣 楊貴妃方有寵每乘馬

則高力士執轡授鞭織繡之工專供貴妃院者七百人
中外爭獻服器珍玩嶺南經略使張九章廣陵長史王

翼廣陵郡揚州長知兩翻以所獻精美九章加三品翼入為戶部

侍郎天下從風而靡民間歌之曰生男勿喜女勿悲君

今看女作門楣凡人作室自外至者見其門楣宏敞則為壯觀言楊家因生女而宗門崇顯也

或曰門以楣而撐柱言生女能撐柱門戶也妃欲得生荔支歲命嶺南馳驛

致之自蘇軾諸人皆云此時荔支自涪州致之非嶺南也比至長安色味不變居

易曰荔支生巴峽間樹影團團如帷蓋葉如冬青華如
摘春榮實如丹夏熟朶如蒲萄核如枇杷殼如紅繒膜
如紫綃熟肉潔白如水雪漿液甘酸如醴酪大略如彼
其實過之若離本枝一日而色變二日而香變四五日
外色香味盡去矣至是妃以妬悍不遜上怒命送歸兄銛之第

悍戶罕翻

是日上不懌比日中猶未食左右動不稱旨

又戶肝翻

橫被棹捷比必利翻及也稱尺證高力士欲嘗上意請

悉載院中儲侍送貴妃凡百餘車上自分御膳以賜之

侍直里翻及夜力士伏奏請迎貴妃歸院遂開禁門而入唐

典城門郎掌京城皇城宮殿諸門開闔之節承天門擊
曉鼓聽擊鐘後一刻鼓聲絕皇城門開第一寒寒鼓聲

絕宮城門及左右延明門乾化門開第二鼙鼓聲絕
宮殿門開夜第一鼙鼓聲絕宮殿門開第二鼙鼓
聲絕宮城門及左右延明門皇城門開其京城門開
與皇城門同刻承天門擊鼓皆聽漏刻契契至乃擊待
漏刻所牌到鼓聲乃絕凡皇城宮城闔門之鑰先酉而出
後戌而入開門之鑰後丑而出夜盡而入京城闔門之鑰
後申而出先子而入開門之鑰後子而出先卯而入若
非其時而有命啓閉則詣問覆奏奉旨合符而開闔之
殿門及城門若有勅夜開受勅人自是恩遇愈隆後宮
具錄須開之門宣送中書門下

莫得進矣 將作少匠韋蘭兵部員外郎韋芝為其兄

堅訟冤

少詩照翻
為于偽翻

且引太子為言上益怒太子懼表請

與妃離昏乞不以親廢法丙子再貶堅江夏別駕

江夏
郡鄂

州舊志鄂州京師東南二千三百四十六里夏戶雅翻蘭芝皆貶嶺南然上素知

太子孝謹故譴怒不及李林甫因言堅與李適之等為

朋黨後數日堅長流臨封適之貶宜春太守太常少卿

韋斌貶巴陵太守嗣薛王琬貶夷陵別駕睢陽太守裴

寬貶安陸別駕河南尹李齊物貶竟陵太守臨封郡本封州廣信

郡元年更郡名宜春郡袁州巴陵郡岳州夷陵郡峽州

安陸郡安州竟陵郡本復州沔陽郡元年更郡名舊志

封州至京師水陸四千五百一十里岳州二千二百三十七里峽州一千八百八十八里安州京師東南二千五百一十一里復州一千八百八十八里凡堅親黨坐流貶者數十人斌百里斌音彬琚胡吠翻

安石之子瑁業之字堅之甥也瑁母亦令隨瑁之官

常安

石事武后中睿三朝業上之弟也

冬十月戊戌上幸驪山溫泉十一

月乙巳還宮

贊善大夫杜有鄰

唐贊善大夫正五品上掌誦誦規諫太子

女為太子良娣

唐太子內官良娣正三品娣持計翻

良娣之姊為左驍衛

兵曹柳勣妻

驍堅堯翻

勣性狂疎好功名喜交結豪俊

好呼到翻

喜許記翻

淄川太守裴敦復薦於北海太守李邕

北海郡邕青州

與之定交勣至京師與著作郎王曾等為友皆當時名

士也勣與妻族不協欲陷之為飛語告有鄰妄稱圖讖

交構東宮指斥乘輿

乘輿證翻

林甫令京兆士曹吉溫與御

史鞠之

士曹司士參軍事掌津梁舟車舍宅工藝

乃勸首謀也溫令勸連引

曾等入臺十二月甲戌有鄰勸及曾等皆杖死積尸大

理

考異曰舊紀唐厯皆作辛未今從實錄實錄云勸與其黨並伏法詔書則曰猶寬極刑俾從杖罪其王

曾等各決重杖一百杜有鄰柳勸念以微親特寬殊死決一頓貶嶺南新興尉吉溫傳則云勸等仗死積尸於大理寺蓋詔雖與杖其實皆死杖下也

妻子流遠方中外震慄嗣號王巨

貶義陽司馬

義陽郡申州舊志申州至京師一千七百九十六里巨邕之子也

高祖

之子號王鳳鳳嫡孫曰嗣號王邕

別遣監察御史羅希奭往按李邕

監古

銜翻太子亦出良娣為庶人乙亥鄴郡太守王琚坐賊貶

江華司馬

鄴郡本相州魏郡元年更名江華郡道州

琚性豪侈與李邕皆自

謂者舊久在外意怏怏李林甫惡其負材使氣故因事

除之

王琚事上於東宮贊決誅太平公主惡烏路翻

六載春正月辛巳李邕裴敦復皆杖死邕才藝出衆盧

藏用常語之曰君如干將莫邪

語牛倨翻干將莫邪吳王所鑄寶劍

難與

爭鋒然終虞缺折耳

折而設翻

邕不能用林甫又奏分遣御

史即貶所賜皇甫惟明常堅兄弟等死羅希奭自青州

如嶺南所過殺遷謫者

希奭既殺李邕於青州遂如嶺南也

郡縣惶駭排

馬牒至宜春

御史所過沿路郡縣給驛馬故未至先有排馬牒

李適之憂懼仰

藥自殺至江華王琚仰藥不死聞希奭已至即自縊希

奭又迂路過安陸欲怖殺裴寬

怖普布翻

寬向希奭叩頭祈

生希奭不宿而過乃得免李適之子雪迎父喪至東京

李林甫令人誣告雪杖死於河南府給事中房琯至與

適之善貶宜春太守琯融之子也

房融見二百七卷武后長安四年

林

甫恨韋堅不已遣使於循河及江淮州縣求堅罪

使疏吏翻

收繫網典船夫溢於牢獄

十船為一綱以吏為綱典船夫輓船及駕船之夫也

徵

剝逋負延及鄰伍皆裸露死於公府

裸郎果翻

至林甫薨乃

止 丁亥上享太廟戊子合祭天地於南郊赦天下制

免百姓今載田租又令削絞斬條上慕好生之名故令

應絞斬者皆重杖流嶺南其實有司率杖殺之又令天

下為嫁母服三載

載子亥翻好呼到翻為于偽翻下即為同

上欲廣求天下

之士命通一藝以上皆詣京師李林甫恐草野之士對

策斥言其姦惡建言舉人多卑賤愚賸

賸五恠翻

恐有俚言

汚濁聖聽乃令郡縣長官精加試練灼然超絕者具名
送省委尚書覆試御史中丞監之

監古銜翻

取名實相副者

聞奏既而至者皆試以詩賦論遂無一人及第者林甫
乃上表賀野無遺賢 戊寅以范陽平盧節度使安祿

山兼御史大夫祿山體充肥腹垂過膝嘗自稱腹重三

百斤外若癡直內實狡黠常令其將劉駱谷留京師詞

朝廷指趣動靜皆報之

點下八翻詞朝正
翻有所候伺也

或應有牋表

者駱谷即為代作通之歲獻俘虜雜畜奇禽異獸珍玩

之物

畜計
救翻

不絕於路郡縣疲於遞運祿山在上前應對

敏給雜以談諧上嘗戲指其腹曰此子腹中何所有其

大乃爾對曰更無餘物止有赤心耳上悅又嘗命見太

子祿山不拜左右趣之拜

趣讀
曰促

祿山拱立曰臣胡人不

習朝儀不知太子者何官

朝直
送翻

上曰此儲君也朕千秋

萬歲後代朕君汝者也祿山曰臣愚鄙者惟知有陛下

一人不知乃更有儲君不得已然後拜上以為信然並愛

之上嘗宴勤政樓百官列坐樓下獨為祿山於御座東

間設金雞障

障坐障也畫金雞為師為于偽翻

置榻使坐其前仍命捲

簾以示榮寵

卷讀曰捲

命楊銛楊錡貴妃三姊皆與祿山叙

兄弟祿山得出入禁中因請為貴妃兒上與貴妃共坐祿山先拜貴妃上問何故對曰舊俗先母而後父上悅

李林甫以王忠嗣功名日盛恐其入相

相息亮翻

忌之安

祿山潛蓄異志託以禦寇築雄武城

蘭州廣漢川有雄武軍

大貯

兵器

貯丁呂翻

請忠嗣助役因欲留其兵忠嗣先期而往不

見祿山而還數上言祿山必反林甫益惡之

為王忠嗣得罪張本

先悉薦翻數所角翻
上時掌翻惡烏路翻

夏四月忠嗣固辭兼河東朔方

節度許之 冬十月己酉上幸驪山溫泉

考異曰舊紀唐歷皆作

戊申今改溫泉宮曰華清宮 河西隴右節度使王忠

嗣以部將哥舒翰為大斗軍副使李光弼為河西兵馬

使克赤水軍使兵馬使節鎮衙前軍職也摠兵權任甚重至德以後都知兵馬使率為節鎮儲

帥將即亮翻翰父祖本突騎施別部酋長西突厥五弩失畢有哥舒

闕俟斤騎奇寄翻酋光弼契丹王楷洛之子也開元初

封為契丹王皆以勇略為忠嗣所重忠嗣使翰擊吐蕃有同

列為之副倨慢不為用翰槁殺之軍中股慄

槁則累功

至隴右節度副使每歲積石軍麥熟吐蕃輒來獲之

戶獲

郭無能禦者邊人謂之吐蕃麥莊翰先伏兵於其側虜

至斷其後來擊之

斷音短

無一人得返者自是不敢復來

復扶又翻上欲使王忠嗣攻吐蕃石堡城

石堡城陷見上卷開元二十九年

忠嗣上言石堡險固吐蕃舉國守之今頓兵其下非殺

數萬人不能克臣恐所得不如所亡不如且厲兵秣馬

俟其有釁然後取之上意不快將軍董延光自請將兵

取石堡城

請將即亮翻

上命忠嗣分兵助之忠嗣不得已奉

詔而不盡副延光所欲延光怨之李光弼言於忠嗣曰

大夫以愛士卒之故不欲成延光之功

唐中世以前率呼將帥為大夫

白居易詩所謂武官稱大夫是也

雖迫於制書實奪其謀也何以知之

今以數萬衆授之而不立重賞士卒安肯為之盡力乎

為子偽翻

然此天子意也彼無功必歸罪於大夫大夫軍府

充物何愛數萬段帛不以杜其讒口乎忠嗣曰今以數萬之衆爭一城得之未足以制敵不得亦無害於國故

忠嗣不欲為之忠嗣今受責天子不過以金吾羽林一

將軍歸宿衛其次不過黥中上佐

黥中一道皆溪峒蠻徭雜居貶謫而不過

嶺者處之上佐長史司馬也黥音琴

忠嗣豈以數萬人之命易一官乎李

將軍子誠愛我矣然吾志決矣子勿復言光弼曰卿者

恐為大夫之累

復扶又翻累力瑞翻

故不敢不言今大夫能行古

人之事非光弼所及也遂趨出延光過期不克言忠嗣

沮撓軍計

沮在呂翻撓女教翻

上怒李林甫因使濟陽別駕魏林

告忠嗣嘗自言我幼養宮中與忠王相愛狎

武德四年分東平之

盧縣置濟州隋之濟北郡也天寶元年改曰濟陽郡忠
嗣年九歲父海賓戰死於渭源長城堡帝養忠嗣宮中
太子時為忠王與之遊處魏林先為朔州刺史忠嗣節
度河東朔州其巡屬也故使林諧之以示言有所自來
禮翻濟子欲擁兵以尊奉太子敕徵忠嗣入朝朝直委三司
鞫之上聞哥舒翰名召見華清宮見賢與語悅之十一

月辛卯以翰判西平太守充隴右節度使以朔方節度

使安思順判武威郡事充河西節度使

西平郡鄯州
武威郡涼州

戶部侍郎兼御史中丞楊慎矜為上所厚李林甫浸忌

之慎矜與王鉞父晉中表兄弟也少與鉞狎

少詩鉞之

入臺頗因慎矜引及鉞遷中丞慎矜與語猶名之鉞

自恃與林甫善意稍不平慎矜奪鉞職田

俱為中丞因併鉞職田奪

而有鉞母本賤慎矜嘗以語人

語牛倨翻

鉞深銜之慎矜猶

以故意待之嘗與之私語讖書

讖楚諧翻

慎矜與術士史敬

忠善敬忠言天下將亂勸慎矜於臨汝山中買莊為避

亂之所

臨汝郡本伊州襄城郡貞觀八年更伊州曰汝州天寶元年更郡名為臨汝郡

會慎矜

父墓田中草木皆流血慎矜惡之

惡鳥路翻

以問敬忠敬忠

請禳之

禳如羊翻

設道場於後園慎矜退朝輒裸貫桎梏坐

其中

朝直遙翻
郎果翻

旬日血止慎矜德之慎矜有待婢明珠

色美敬忠屢目之慎矜即以遺敬忠車載過貴妃姊柳

氏樓下姊邀敬忠上樓求車中美人敬忠不敢拒明日

姊入宮以明珠自隨上見而異之問所從來明珠具以

實對上以慎矜與術士為妖法惡之舍怒未發楊釗以

告鉞鉞心喜因侮慢慎矜慎矜怒林甫知鉞與慎矜有

隙密誘使圖之

遺于季翻上時掌翻惡烏路翻誘音酉
考異曰明皇雜錄曰慎矜父墓封域

之內草木流血慎矜大懼問術者史敬思敬思曰禳之
可以免於慎矜後國大陳法事令貫匡枯坐於叢林間

以厭之唐厯云敬思本胡人出家還俗涉獵書傳陰陽
玄象慎矜與之善每言天下將亂居於臨汝山中亦勸
矜慎於臨汝買得山莊良田數十頃嘗於慎矜第夜坐
談宴怒婢春草將杖殺之敬思曰七郎何須遽殺却十
頭壯牛慎矜曰何謂也敬思曰賣却買牛每年耕田十
頃慎矜雅厚敬思曰任公收取明日至市賣與太真柳
氏姊得錢百二十千文買牛以歸柳氏數將春草來往
宮中玄宗見其狀貌壯大應對分明數目之謂柳曰幾
錢買得此婢以實對遂留之玄宗曾畫寢問春草曰汝
本何人何以得至柳家春草曰本楊慎矜婢賣與柳家
玄宗曰慎矜豈少錢而賣你春草曰不是要錢本將殺
某敬思救得不殺所以賣之玄宗素聞敬思名因詰問
春草以實對曰每夜坐中庭或說天文遙指宿曜某亦
盡知其言玄宗怒變色良久後王鉞因奏事言引慎矜
玄宗勃然曰慎矜與卿有親更不須相往來鉞初內怨
慎矜凌已常隱忍不世至是覺上意異楊釗先知之以

告鉗鉗心喜數悖慢以侵之慎矜尤怒明皇雜錄又曰
慎矜之婢有美者字明珠敬思數目之慎矜即以遺之
兼以囊橐甚厚以車送之敬思乘馬隨之路經貴妃妹
一姨樓下方登樓張樂姨素與敬思相識固邀敬思登
樓乃曰車中美人請以見遺敬思不敢拒姨明日入宮
婢從上見而異之間所從來明珠曰本楊慎矜家人也
近贈史敬思上曰敬思何人而慎矜輒贈以婢明珠乃
具言厭勝之事上大怒曰彼為妖乎遂告林甫林甫素
忌慎矜才思其作相以告中丞吉溫溫險害
亦有憾於慎矜因構成其事今參取書之 鉗乃遣人

以飛語告慎矜隋煬帝孫

慎矜隋煬帝之女孫

與山人往來家有

讖書謀復祖業上大怒收慎矜繫獄命刑部大理與侍
御史楊釗殿中侍御史盧鉉同鞠之太府少卿張瑄慎

矜所薦也盧鉉誣瑄嘗與慎矜論識拷掠百端瑄不肯

荅辯

瑄音宣掠音亮辯者鞠問之辭今人謂之問頭

乃以木綴其足使人引其

枷柄向前挽之身加長數尺腰細欲絕眼鼻出血瑄竟

不荅又使吉溫捕史敬忠於汝州敬忠與溫父素善溫

之幼也敬忠常抱撫之及捕獲溫不與交言鎖其頸以

布蒙首驅之馬前至戲水

戲水在新豐東戲許宜翻

溫使吏誘之曰

楊慎矜已款服惟須子一辯若解人意則生

解戶買翻

不然

必死前至溫湯則求首不獲矣

溫湯即謂會昌時置會昌縣於溫泉宮下首式

又翻謂自首其敬忠顧謂溫曰七郎求一紙溫陽不應
事或曰首如字

去溫湯十餘里敬忠祈請哀切乃於桑下令答三紙辯

皆如溫意溫徐謂曰丈人且勿恠因起拜之至會昌天寶

元年改驪山曰會昌山三載以新豐縣去華清宮遠分
新豐萬年置會昌縣是年改溫泉曰華清宮治湯井為

池環山列宮室又築始鞠慎矜以敬忠為證慎矜皆引
羅城置百司及十宅

服惟搜讖書不獲林甫危之使盧鉉入長安搜慎矜家

鉉袖讖書入閣中詬而出曰詬古候翻逆賊深藏秘記至會

昌以示慎矜慎矜歎曰吾不蓄讖書此何從在吾家哉

吾應死而已丁酉賜慎衿及兄少府少監慎餘洛陽令

慎名自盡敬忠杖百妻子皆流嶺南瑄杖六十流臨封

死於會昌嗣虢王巨雖不預謀坐與敬忠相識解官南

賓安置

南賓郡忠州本巴郡之臨江縣隋義寧二年置
臨州貞觀八年改忠州天寶元年改為郡舊志

忠州京師南二十
一百二十二里

自餘連坐者數十人慎名聞赦神色

不變為書別姊慎餘合掌指天而縊三司按王忠嗣

上曰吾兒居深宮安得與外人通謀此必妄也

考異
曰新傳

李林甫屢白太子宜有謀上云云按林甫
雖志欲害太子亦未肯自言之今不取

但劾忠嗣沮

撓軍功

効戶槩翻又戶得翻沮在呂翻撓奴巧翻又奴教翻

哥舒翰之入朝也或

勸多齎金帛以救忠嗣翰曰若直道尚存王公必不寬

死如其將喪

喪息浪翻

多賂何為遂單囊而行三司奏忠嗣

罪當死翰始遇知於上力陳忠嗣之冤且請以已官爵

贖忠嗣罪上起入禁中翰叩頭隨之言與淚俱上感寤

已亥貶忠嗣漢陽太守

漢陽郡沔州

李林甫屢起大獄別

置推事院於長安以楊釗有掖庭之親

掖音亦

出入禁闥

所言多聽乃引以為援擢為御史事有微涉東宮者皆

指擿使之奏劾付羅布與吉溫鞠之釗因得逞其私志

所擠陷誅夷者數百家皆釗廢之他歷翻擠子西翻又子細翻幸太

子仁孝謹靜張垧高力士常保護於上前故林甫終不

能間也間古覓翻考異曰明皇雜錄云上與李林甫議立太子意屬忠王林甫從容言於上曰古者

建立儲君必推賢德苟非有大勲於社稷則惟元子上

默然曰朕長子琮往年因獵苑中所傷面目尤甚林甫

曰破面不猶愈於破國乎陛下其圖之上微感其言徐

思之林甫亦素知其有疾意欲動搖肅宗而託附武惠

妃因以壽王瑁為請竟以肅宗孝友聰明中外所屬故

姦邪之計莫得行焉按是時忠王若未為太子上用林

甫之言則琮為太子矣安能及瑁新書林甫傳云林甫

數危太子未得志一日從容曰古者立儲君非有大勲

於社稷則莫若元子帝久之曰慶王獵為豹傷面甚苦
曰破而不愈於破國乎帝頗惑曰朕徐思之此則情理
似近然新書此事必出於雜錄若太子已立則不當云
上與林甫議立太子意屬忠王也今雜錄本於所傷字
上脫為豹兩字別本必有之按說文豹獸名無前足此
非常有之物或者豹字誤為納字耳事既可疑今不取

十二月壬戌發馮翊華陰民夫築會昌城置百司

華陰

郡華州馮翊郡
同州華戶化翻

王公各置第舍土畝直千金癸亥上還

宮 丙寅命百官閱天下歲貢物於尚書省既而悉以

車載賜李林甫家上或時不視朝

朝直
遙翻

百司悉集林甫

第門臺省為空陳希烈雖坐府無一人入謁者林甫子

岫為將作監

唐初曰將作大匠龍朔改曰繕工監
光宅改曰營繕監神龍復曰將作監頗以

滿盈為懼嘗從林甫遊後園指役夫言於林甫曰大人

久處鈞軸怨仇滿天下一朝禍至欲為此得乎林甫不

樂曰勢已如此將若之何先是宰相皆以德度自處不

事威勢驕從不過數人士民或不之避林甫自以多結

怨常虞刺客出則步騎百餘人為左右翼金吾靜街前

驅在數百步外公卿走避居則重關複壁

處昌呂翻樂音洛先悉薦

翻駟則尤翻從才用翻騎以石甃地

甃則人翻

牆中置板如

防大敵一夕屢徙牀雖家人莫知其處宰相騶從之盛

自林甫始初將軍高仙芝本高麗人麗力知翻從軍安西

仙芝驍勇善騎射驍堅亮翻節度使夫蒙靈啓屢薦至安西

副都護都知兵馬使克四鎮節度副使吐蕃以女妻小

勃律王小勃律去長安九千里而羸距吐蕃贊普牙三千里妻七細翻及其旁二十餘

國皆附吐蕃貢獻不入前後節度使討之皆不能克制

以仙芝為行營節度使將萬騎討之將即亮翻自安西行百

餘日乃至特勒滿川分軍為三道特勒滿川即五識匿國所居三道一由北

谷道一由赤佛道仙芝自由護密道自期以七月十三

護密勒城南至小勃律國都五百里日會吐蕃連雲堡下連雲堡南依山北有兵近萬人其

斬不意唐兵猝至大驚依山拒戰礮檣如雨仙芝以郎

將高陵李嗣業為陌刀將石杜佑曰檣木長五尺徑一

尺小至六七寸唐六典武庫分掌兵器辨其名數以備

國用刀之制有四曰儀刀曰障刀曰橫刀曰陌刀儀刀

蓋古班劍之類宋晉以來謂之御刀後魏曰長刀皆施

龍鳳環至隋謂之儀刀裝飾以金銀羽儀所執障刀蓋

用以障身以禦敵橫刀佩刀也兵士所佩名亦令之曰

起於隋陌刀長刀也步兵所持蓋古之斬馬劍

不及日中決須破虜嗣業執一旗引陌刀緣險先登力

戰自辰至巳大破之

考異曰舊嗣業傳云天寶
七載今從實錄及封常清傳斬首

五千級捕虜千餘人餘皆逃潰中使邊令誠以入虜境

已深懼不敢進

邊令誠時為監軍使疏吏翻

仙芝乃使令誠以羸弱

三千守其城

羸倫為翻

復進三日至坦駒嶺下峻阪四十餘

里

復扶又翻

前有阿弩越城仙芝恐士卒憚險不肯下先令

人胡服詐為阿弩越城守者迎降

降戶江翻

云阿弩越赤心

歸唐娑夷水藤橋已斫斷矣娑夷水即弱水也

小勃律王居孽

多城臨娑夷水安素禾翻

其水不能勝草芥

勝音升

藤橋者通吐蕃之

路也仙芝陽喜士卒乃下又三日阿弩越城迎者果至明日仙芝入阿弩越城遣將軍席元慶將千騎前行謂

曰小勃律聞大軍至其君臣百姓必走山谷

走音奏

第呼

出取綰帛稱勅賜之

綰慈陵翻

大臣至盡縛之以待我元慶

如其言悉縛諸大臣王及吐蕃公主逃入石窟取不可得仙芝至斬其附吐蕃者大臣數人藤橋去城猶六十里仙芝急遣元慶往斫之甫畢吐蕃兵大至已無及矣藤橋濶盡一矢力修之暮年乃成八月仙芝虜小勃律

王及吐蕃公主而還九月至連雲堡與邊令誠俱月末

至播密川遣使奏狀

奏捷狀於京師使疏吏翻

至河西

此河西白馬河西也自安

西西出柘厥關度白馬河

夫蒙靈登怒仙芝不先言已而遽發奏一

不迎勞

一猶言一切也勞力到翻

罵仙芝曰噉狗糞高麗奴

噉徒濫翻又徒

覽

汝官皆因誰得而不待我處分

處昌呂翻分扶問翻

擅奏捷書

高麗奴汝罪當斬但以汝新有功不忍耳仙芝但謝罪
邊令誠奏仙芝深入萬里立奇功今旦夕憂死

資治通鑑卷一百一十五



總校官庶吉士臣侍朝

校對官檢討臣龔大萬

謄錄貢生臣黃永澄